

KURIKULUM STANDARD SEKOLAH RENDAH (SEMAKAN 2017)

BAHASA IBAN **TAHUN 3**

PENULIS

JANIE ANAK LIMIN
MAURICE ANAK KEDIT
NANCY ANAK GUYANG

EDITOR

CHIEW ANAK SERIT

PEREKA BENTUK

SAFIYAH BINTI NAZRI

ILUSTRATOR

NOORAZLINAWATI
BINTI HASHIM



DBP

DEWAN BAHASA DAN PUSTAKA
KUALA LUMPUR
2018



KEMENTERIAN PENDIDIKAN MALAYSIA

No. Siri Buku: 0020

KK 499-221-0102061-49-2041-20101
ISBN 978-983-49-2041-8

Cetakan Pertama 2018
© Kementerian Pendidikan Malaysia 2018

Hak Cipta Terpelihara. Mana-mana bahan dalam buku ini tidak dibenarkan diterbitkan semula, disimpan dalam cara yang boleh dipergunakan lagi, ataupun dipindahkan dalam sebarang bentuk atau cara, baik dengan cara bahan elektronik, mekanik, penggambaran semula mahupun dengan cara perakaman tanpa kebenaran terlebih dahulu daripada Ketua Pengarah Pelajaran Malaysia, Kementerian Pendidikan Malaysia. Perundingan tertakluk kepada perkiraan royalti atau honorarium.

Diterbitkan untuk
Kementerian Pendidikan Malaysia oleh:
Dewan Bahasa dan Pustaka,
Jalan Dewan Bahasa, 50460 Kuala Lumpur.
Telefon: 03-2147 9000 (8 talian)
Faksimile: 03-2147 9643
Laman Web: <http://www.dbp.gov.my>

Reka Letak dan Atur Huruf:
SH Design & Print Sdn. Bhd.

Muka Taip Teks:
Roman San Serif

Saiz Muka Taip Teks:
16 poin

Dicetak oleh:
Gayawara Sdn. Bhd.,
No. 2, Jln. Nountun, Kg. Bambangan,
Tingkat Bawah, Wisma Capital, Inanam,
88450 Kota Kinabalu, Sabah.

PENGHARGAAN

Penerbitan pakej buku teks ini melibatkan kerjasama banyak pihak. Sekalung penghargaan dan terima kasih ditujukan kepada semua pihak yang terlibat.

- Jawatankuasa Penambahbaikan Prof Muka Surat, Bahagian Buku Teks, Kementerian Pendidikan Malaysia.
- Jawatankuasa Penyemakan Pembedulan Prof Muka Surat, Bahagian Buku Teks, Kementerian Pendidikan Malaysia.
- Jawatankuasa Penyemakan Naskah Sedia Kamera, Bahagian Buku Teks, Kementerian Pendidikan Malaysia.
- Pegawai-pegawai Bahagian Buku Teks dan Bahagian Pembangunan Kurikulum, Kementerian Pendidikan Malaysia.
- Jawatankuasa Peningkatan Mutu, Dewan Bahasa dan Pustaka.
- Panel Pembaca Luar, Dewan Bahasa dan Pustaka.
- Jabatan Pendidikan Negeri Sarawak.
- Sekolah Kebangsaan Balai Ringin, Serian.
- Sekolah Kebangsaan Triang, Serian.



ISI

Pelasar Jaku	iv
Penerang Ikon	v
Lambar Pemungkal	vi

Dunya Diri Empu

Unit 1: Pengidup Aku	1 - 8
Unit 2: Terengkah di Ulu Lemba	9 - 16
Unit 3: Gerai Nyamai Lantang Senang	17 - 24

Dunya Ensera enggau Cherita

Unit 4: Cherita Jelu	25 - 32
Unit 5: Cherita Tuai	33 - 42

Waris Pesaka Bansa

Unit 6: Pandai di Chunggai Ujung Jari	43 - 50
Unit 7: Main Asal Nyungkak Pemintar	51 - 58

Rampa Menua

Unit 8: Bumi Gadung Pemei Petara	59 - 66
Unit 9: Tanah Lati Menua Beresi	67 - 74

Sains enggau Teknologi

Unit 10: Pengidup Moden di Entigis	75 - 84
Unit 11: Kenang Pemansang Menua	85 - 92

Konsumerisma enggau Penyedat Finansial

Unit 12: Bedagang Rebak Baru	93 - 100
Unit 13: Projek Kelas Kami	101 - 110

Kaul dalam Konteks Global

Unit 14: Pemakai Kitai	111 - 118
Unit 15: Ngindang Nuju Seberai	119 - 128
Glosari	129 - 130

PELASAR JAKU



Bup Teks

Bup Teks Jaku Iban Primari 3 tu bekonsepka dunya dagang rebak baru ti setipak enggau abad ke-21. Konsep tu mega nemban enggau tuju ekonomi digital Sarawak ti ulih mungkur pengawa dagang ukai semina ba nengeri tang mega menua pesisir. Iya mega ngemeranka elemen peneguh global ti nyungkak pikir sereta responsif ngagai pengidup besehari-sehari enggau ngena penemu, pengelandik sereta pemai ulah. Tu mega ulih nyediaka nembiak napi sesebengkah isu tauka pekara ba tikas menua, nengeri enggau global. Kelimpah ari nya, nembiak enggau tunggang ati rindu sereta angkun nyaga rampa menua ari proses pemansang dunya ti enda mukas fauna enggau flora. Nambahka nya, iya mega ulih ngerembaika runding dalam mayuh pekara bepelasarka langkah rapat *Kurikulum Standard Sekolah Rendah (KSSR)* ti betukuh modular. Bup teks tu bisi 15 unit ti ngundan pengelandik mending enggau bejaku, macha, nulis, bungai jaku enggau jalai jaku.

Kelimpah ari nya, bisi sekeda ari nama tempat, watak, *portal*, *website* enggau jalai cherita semina ditempat aja.

Bup Teks Jaku Iban Primari 3 tu ngundan elemen pengisi kurikulum nitihka *Dokumen Standard Kurikulum dan Pentaksiran (DSKP)*. Pengelandik Bepikir Tikas Tinggi (PBTT) ti dikemeratka dalam bup tu disadang ulih meransang lalu nyediaka nembiak bepikir sereta beperagam ngambika ulih mutarka penanggung. Bup tu dikearpka ulih nyadi kereban ti tau mantu proses ngajar enggau pemudah chara. Sepil ti dikena dalam bup tu bepelasarka bup Sistem Sepil Jaku Iban di Sekula ti dikeluarka Bahagian Pembangunan Kurikulum, Kementerian Pendidikan Malaysia dalam taun 2007.



PENERANG IKON



Unit

Ikon lumur lambar pemungkal tetiap unit.



Aram Mending enggau Bejaku

Pengelandik mending enggau bejaku nyadi fokus belajar dikena narak pengelandik mending, meretika pekara ti didinga lalu dikena matih pengelancar bekomunikesyen sereta beintereksyen ngena chara ti menyana.



Aram Macha

Standard macha dikena matih pengelancar macha ngena intonesyen ti betul belalauka tanda bacha.



Aram Nulis

Pengelandik tu nyadi fokus pelajar dikena narak pengelandik nulis bepelasarka penemu enggau peneleba.



Bungai Jaku

Bungai jaku nyadi fokus pelajar dikena narak pengelandik leka main, jaku sempama, guna jaku sereta beperindang sambil belajar.



Jalai Jaku

Standard jalai jaku nyadi fokus pelajar dikena ngajar pengelandik jalai jaku ti ngundan leman, raban enggau tujuk jaku.



Malin Pengajar

Nyadika malin pengajar.
UP: Ukur Pemanah
ENK: Elemen Neresa Kurikulum



Lumur Standard Pelajar

Ngundan fokus ti beguna bendar dikena pengajar ngaga langgur ngajar lalu narak nemiak.



Lumur Lambar

Dikena ngayanka lumur ba bup teks enggau bup aktiviti.



DVD Audio

Dikena madahka pelajar nya bisi disediaka dalam DVD audio.



PBTT

Tanya ti ulih meransang nemiak bepikir sereta nentuka pemutus runding sida bepelasarka kebuah, penyadi sereta empas pemutus runding.



PAK-2 I

Dikena nerangka pelajar nya bisi Pengelandik Abad Ke-21.



Komputasional

Pengelandik mutarka penanggul ngena chara sistematik.



Penyedal

Penyedal dikena mantu nerangka sekeda pekara ti bisi dalam pengelandik nya.



QR Code

Penerang tambah sesebengkah penemu tauka batang pekara.

LAMBAR PEMUNGKAL

HARI DAGANG SK ULU LEMBA



Kepala Pengajar
Entalang

Pengajar Jara

Kavita

Minah

Andy Kong

Pengajar Anding

Injan

Guyang

Avit

Anau



Lis rega pemakai:-

Barasa pemakai	Rega
Panganan sereni	RM2.00
Panganan chap	RM2.00
Gugupah empang	RM1.50
Tudung pingang	RM1.00
Rubi pengarang	RM1.00
Rubi sepat	RM1.00
Rubi piyau	RM1.00

UNIT 1

PENGIDUP AKU



Aram Mending enggau Bejaku

Dingaka audio lalu keluluka randau di baruh tu.

Injan tumu amat dani pagi nya. Iya ransing deka nurun sekula.

Selamat pagi, apai.
Selamat pagi, indai.

Au, pama mih kena
ngeringka tulang.

Au. Terima kasih.
Mupuk dulu aku. Bisi
pemandang bup
pagi tu lagi.

Selamat pagi. Am,
sama ngintu diri.

Amat nya, itah dikena
ngelapik perut.

Ingat anak, belajar
bebendar au.



BA: 1


I.1.2

Malin Pengajar

- Minta nemiak beratika randau sida sebilik.
 - Minta nemiak meri jaku basa bukai ti ditemu sida.
- PBTT: Ngeanalisis UP: Sayauka diri sebilik
ENK: Ukur Pemanah



Audio 1



Aram Mending enggau Bejaku

Dingaka audio lalu keluluka randau di baruh tu.

Maya gintir kelas sida Primari 3 ngelawa aktiviti pemandang bup, Injan enggau Kavita sama bebai ngandak kin.

Kavita: Aram, tua sereta ngandak pemandang bup kin.

Injan: Au, aram mih. Aku deka meli bup ensera Iban lagi.

Kavita: Aku pia mih, tang enti bisi bup kereja latih jaku Iban Primari 3, nya dibeli aku lagi.

Injan: Madahka aku enti nuan bisi meda bup nya. Lagi tua sama meli.

Kavita: Au. Nadai nya salah.

Injan: Terima kasih, Kavita.



Malin Pengajar

- Minta nemiak mendingka randau Injan seduai Kavita.
- Minta nemiak meri jaku basa bukai ti ditemu sida.

PBTT: Ngeanalisis

UP: Siru

ENK: Pengelandik Dagang



Audio 2





Aram Macha

Bacha lalu sebut leka jaku ti ngundan siti ngagai tiga iti patah sebut dalam cherita di baruh tu.

Cherita Injan Sebilik

Tu kedai apai Injan. Kedai tu **terit** bendar. Ninting hari, mayuh orang datai bebelika barang ba kedai nya. Sida bedagang enggau lurus ati. **Kelimpah** ari nya mega, sida semampai gerah jari lalu suah meri bantu ngagai sekeda orang ke kurang penatai pemisi.

Pengidup sida Injan sebilik berupai **nyulut** ari orang bukai. Tu beduduk ari pengeliat ati sida ngereja semua pengawa. Taja baka **nya**, sida **sebilik** enda kala ngeninggika diri.



BA: 2

2.1.1 (ii)



Malin Pengajar

- Minta nemiak nyebut leka jaku ti ngundan siti ngagai tiga iti patah sebut ti bisi dalam teks.
 - Minta nemiak meri chunto bukai ti ditemu sida.
- PBTT: Ngeanalysis UP: Sayauka diri sebilik
ENK: Pengelandik Dagang



Aram Macha

Bacha cherita di baruh tu.

Kebun Sayur Sida Injan

Sida Injan sebilik rindu amat bekebun sayur. Sida bekebun ba belakang kedai. Sida nanam mayuh macham bansa sayur. Sayur sida galak amat.

Adi Injan nulung indai iya mantun rumput. Apai Injan nanjah sayur. Injan ngerami sum ngelingi pun chabi ba bakt. Chabi ti ditanam sida udah bebuah. Sida sebilik gaga amat laban ulih begulai ngereja pengawa.



Malin Pengajar

- Minta nemiak nyebut leka jaku ti ngundan siti ngagai tiga iti patah sebut ti bisi dalam teks.
- Minta nemiak nyebut leka jaku ti ngundan siti ngagai tiga iti patah sebut bukai ti ditemu sida kelimpah ari ti bisi dalam teks.

PBTT: Aplikesyen
ENK: Ukur Pemanah

UP: Sayauka diri sebilik

BA: 2

2.1.1 (ii)



Aram Nulis

Dingaka audio. Sepil lalu sebut leka jaku ti bechura. Udaya, sadaka lagu di baruh tu.

Pengidup Aku

Tumu pagi nurun **sekula**,
Bejalai kaki sama **sereta**,
Meri puji ngagai semua,
Tuai biak bela dibasa.

Di sekula udah sedia,
Meda pemandang **bup** bacha,
Pengajar bisi meri **licha**,
Bekelimat ngena belanja.

Lemai hari duduk **betunga**,
Macha bup **ba** kaki lima,
Terima kasih ke bala kita,
Betemu baru dudi ila.
(Ulang 2x)

(Tiun Lagu: *Suasana Pagi*)



BA: 3

3.1.2

Malin Pengajar

- Minta nemiak nyebut leka jaku ti bechura ngena intonesyen ti betul.
 - Minta nemiak nulis leka jaku ti bechura dalam bup latih.
- PBTT: Aplikasiyen
ENK: Ukur Pemanah

UP: Beterima kasih




Audio 3



Aram Nulis

Sepil lalu sebut leka jaku ba kar segala rata di baruh tu.




Dalam raban mit, tulis ayat bepelasarka ukur pemanah ba keretas manila. Uдах nya, lekatka ba dinding kelas lalu gaga *gallery walk*.



Malin Pengajar

- Ngiring nemiak nyepil leka jaku ba kar segala rata.
 - Minta nemiak nulis baru leka jaku dalam bup latih.
- PBTT: Nengkebang
ENK: Ukur Pemanah
- UP: Beterima kasih





Bungai Jaku

Dingaka audio lalu sadaka Wa Indung di baruh tu.

Wa Indung



Wa indung, wa indung,
Aram sampal sekula,
Belajar nulis ngira macha,
Badu tegening,
Wa indung.

Wa indung, wa indung,
Kitai sekaban,
Belajar beraban,
Ngambi nyamai betulung,
Wa indung.



Wa indung, wa indung,
Enti udah pandai,
Kitai idup nyamai,
Mayuh penguntung,
Wa indung.



Wa indung, wa indung,
Terima kasih besai,
Nuju apai indai,
Udah meri sukung,
Wa indung.

(Ulang 2x)

BA: 4

4.1.1 (iii) (iv)



Malin Pengajar

- Minta nemiak mandangka aksyen lebu nyadaka Wa Indung.
- Minta nemiak ngeluluka diri nitihka empas leka main.

PBTT: Aplikesyen

UP: Siru

ENK: Ukur Pemanah



Audio 4



Jalai Jaku

Dingaka audio lalu keluluka randau di baruh tu.

Jaku Nama Tetap

Udah makai lemari, sida Injan sebilik lalu duduk ba bilik besai. Apai enggau indai iya lalu nanyaka berita senentang pemandang bup ba sekula sida sehari nya.

Apai Injan: Ari ni penatai sida ke ngatur pemandang bup tu tadi, endu?

Injan: Mayuh penatai. Bisi ari Miri, bisi ari Sibul lalu bisi sekeda datai ari Kuching.

Indai Injan: Sapa ke bejadi pengawa nya tadi dih?

Injan: Kepala pengajar empu, Mr. Entalang.

Indai Injan: Berapa iti bup dibeli nuan tadi, endu?

Injan: Dua iti bup dibeli aku tadi indai. Siti bup ensera Keling Nyumpit lalu siti agi Bup Kereja Latih Jaku Iban Primari 3.

Apai Injan: Bisi perambu deka datai baru sida ila, endu?

Injan: Enti enda salah dinga aku tadi, tiga kali da sida iya deka datai. Bulan April, Jun enggau September.



Malin Pengajar

- Ngiring nemiak ngelala jaku nama tetap enggau betul.
 - Minta nemiak meri chunto jaku nama tetap ke bukai ti ditemu sida.
- PBTT: Aplikesyen
ENK: Peneguh Global
UP: Sayauka diri sebilik



Audio 5



BA: 5



UNIT 2

TERENGAH DI ULU LEMBA



Aram Mending enggau Bejaku

Dingaka audio lalu sadaka pelandai di baruh tu.

Perayat Ulu Lemba

Perayat Ulu Lemba,
Seruran ransing nurun sekula,
Pandai nulis, macha enggau ngira,
Nyungkak pengidup ngambika menyana.

Lebuh bejaku ngembuan penyiru,
Angkunka budi ngambika dikerindu,
Apai indai patut dikesinu,
Sida nyadi pun pengerindu.

Nurun bebeli sida bejimat,
Pilih manah enggau cheremat,
Suah dilalau manah bekelimat,
Lebuh tusah bisi penabat.
(Ulang 2x)

BA: 7

1.1.1 (i) (ii)

Malin Pengajar

- Ngiring nemiak nyadaka pelandai enggau betul.
 - Ngiring nemiak beratika teks pelandai enggau silik.
- PBTT: Aplikesyen
ENK: Ukur Pemanah
- UP: Patriotisma



Audio 6



Aram Mending enggau Bejaku

Dingaka audio lalu sadaka lagu di baruh tu.

Aram Bedagang

Berasai sayau hey,
Berasai sayau, sayau hey,
Hey peda nuan jauh,
Berasai sayau, sayau hey.
(Korus)

Dinga kaban jaku peransang,
Aram kitai sama bedagang,
Pintar sampal sama ngemansang,
Dudi hari mai menyenangkan.
(Ulang korus)

Aram kaban sama bekereja,
Gawa bagas chukup berguna,
Dudi hari deka menyana,
Maju bansa enggau menua.
(Ulang korus)
(Ulang 2x)

(Tuan Lagu: *Rasa Sayang*)



Malin Pengajar

- Minta nemiak mendingka lagu enggau lenak nitihka timpuh ti diberi.
 - Ngiring nemiak nyebut enggau terang nitihka baris.
 - Nyadaka lagu ngena chara beraban tauka bebasang.
- PBTT: Aplikesyen
UP: Siru
ENK: Kreativiti enggau Inovesyen





Aram Macha

Dingaka audio lalu bacha teks di baruh tu.

Dagang Nupi Rusa

Meluda diau di Ulu Lemba. Iya kala ngulu kus nupi jelu. Pengelandik enggau penemu maya ngulu kus dikena iya ngemajuka agi dagang nupi jelu **rusa**. Diatu iya bisi **estet** ti mayuh nyendiaka peluang pengawa ngagai sida menua nya. Dagang rusa enggi Meluda udah datai ba tikas antarabansa.

Pemujur dagang jelu rusa tu nyadi buah kenang orang. Iya udah dipilih nerima perais enggau setipikit 'Pedagang Lati 2018'. Iya suah dikangauka meri jaku peransang ngagai nemiak ti benung belajar. Meluda mega meransang nemiak rebak baru nitihka singkang **kaki** iya rinduka pengawa betupi jelu.



BA: 8

2.1.1 (i)



Malin Pengajar

- Ngiring nemiak macha teks enggau betul.
 - Minta nemiak nyebut leka jaku nitihka patah sebut ti betul.
- PBTT: Aplikesyen
ENK: Ukur Pemanah

UP: Bekunsi jereki



Audio 8



Aram Macha

Dingaka audio lalu keluluka randau di baruh tu.

Pengajar Anding seduai Pengajar Jara benung merambu **keretas** sadang Hari Dagang Sekolah Kebangsaan Ulu Lemba ba opis pengajar.

Pengajar Anding: Ba penemu nuan, kemaya kitai ngatur hari dagang sekula?

Pengajar Jara: Bulan Ogos ambu aku.

Pengajar Anding: Dini alai ngatur dih? Ba alai ke selama kini?

Pengajar Jara: Au. Agi ba Balai Sri Lemba nya mih.

Pengajar Anding: Sapa diasuh **bejadi** pengerami nya ila?

Pengajar Jara: Manah kitai ngangauka **pemesai** ari pelilih menua kitai.

Pengajar Anding: Setuju aku enggau penemu nuan, Pengajar Jara.

Pengajar Jara: Manah mih nya.

Pengajar Anding: Enti udah munyi nya, tua lalu belabuh ngaga keretas sadang.

Pengajar Jara: Au.



Malin Pengajar


- Ngiring nemiak ngeluluka randau enggau betul.
- Nemiak dipinta nyebut leka jaku ti bechura mirah enggau meruan nitihka patah sebut.

PBTT: Aplikesyen
ENK: Jaku

UP: Landik bedagang



Audio 9



BA: 8

2.1.1 (i)



Aram Nulis

Dingaka audio lalu baca teks di baruh tu.

Kebun Buah Apai Guyang

Apai Guyang nanam mayuh bansa buah. Ujung minggu tu tadi, bala bakih Guyang bisi datai nemuai. Andy Kong, Anau, Avit, Injan, Kavita enggau Minah ransing ati. Sida ngembuah ba kebun apai Guyang.

“Aku deka amat makai buah sikip. Indai meli belama maya bisi orang nyual,” ku Avit.

“Anang irau, Avit. Mayuh buah sikip udah **dijuluk** apai. Aram kitai **besaup** ngumpul,” ku Guyang.

“Empa anak, anang malu,” ku apai Guyang bebai makai buah.

“Aku ka nyaup seduai apai nuan **bejual** buah lagi,” ku Avit.

“Simpan dalam raga tu umbang buah kita, lagi aku nugungka ba pun lensat,” ku Avit.

Udah kenyang makai buah sida **beutun** pulai.



BA: 9

3.1.1

Malin Pengajar

- Ngiring nemiak macha teks enggau betul.
 - Minta nemiak ngiga reti leka jaku ti bechura mirah.
- PBTT: Aplikesyen UP: Bagas gawa
ENK: Sayauka Rampa Menua



Audio 10



Aram Nulis

Bacha ayat penerang di baruh tu ngena sebut ti betul.



1. Sida Guyang **sebakih** nurun ke sekula bejalai kaki.

2. Indai Injan **ngelumai** tepung dikena ngaga kuih.



3. Anau diasuh Pengajar Jara **nganjung** bup ngagai opis.

4. Kepala Pengajar Entalang madahka **pemutus** peresa sekula sida pemadu nyulut.



5. Guyang enggau Andy Kong bejalai **ngelingi** kebun buah sida.



Bungai Jaku


Dingaka audio lalu sadaka dindang di baruh tu.

Dindang Peransang

Ikan semah nyamai dipakai,
Dipansuh gulai daun riang,
Pengawa dagang patut dikerembai,
Ngambi pengidup meruan lantang.

Aki nurun nginti labang,
Labang diengkah dalam chapan,
Aram angkat sama bedagang,
Ekonomi tegap idup meruan.

Tumu pagi nurun nyala,
Nibar jala ba ai pasang,
Dagang kereja semua bansa,
Dagang mansang bansa senang.
(Ulang 2x)



BA: 10

4.1.1 (i) (ii)

Malin Pengajar

- Ngiring nemiak nyadaka dindang enggau betul.
 - Ngiring nemiak ngeluluka diri lebuH maya nyadaka dindang.
- PBTT: Aplikesyen
ENK: Ukur Pemanah



Audio 1 | 1



Jalai Jaku

Jaku Nama Rama

Dingaka audio lalu bacha diari Anau di baruh tu.

Nemui Ngagai Kebun Buah Apai Guyang

Hari Enam, 26 Januari 2019

Sehari tu, kami sebakih nemuai ngagai kebun apai Guyang. Mayuh bansa **buah** ditanam di **kebun** buah iya baka buah **rian**, **lensat**, **dabai**, **sikup**, **sanggau** enggau ti bukai. Kami mulung buah ngena **agak** lalu sekeda kami ngena **tubang**. Buah ditugungka kami ba langkau enda jauh ari **sungai**. Udah nya, kami duduk makai buah dataika kenyang. **Umbang** buah ditugungka kami ba semak pun lensat.

Berimbai enggau kebun nya mega mayuh **kayu** bebesai endang digalau baka **engkabang**, **tekam**, **keladan** enggau **perawan**. Kami

tepedaka **burung** berui ba **bungkung kayu** engkabang. Dalam sungai mayuh **ikan**. Pia mega ba **tebing sungai** mayuh tumbuh madang **mumban**. Kami berasai gaga udah ngeraun kebun buah apai Guyang. Sebedau ngejangka kebun buah nya, kami begambar dulu.



Malin Pengajar

- Minta nemiak macha teks enggau betul.
 - Minta nemiak nyebut jaku nama rama ti bisi dalam teks.
 - Minta nemiak nyebut jaku nama rama ti bukai.
- PBT: Aplikesjen UP: Angkunka rampa menua
ENK: Jaku



Audio 12



BA: 11

5.1.1 (i)

UNIT 3

GERAI NYAMAI LANTANG SENANG



Aram Mending enggau Bejaku

Dingaka audio lalu keluluka randau di baruh tu.

Lemai nya, seraya ke nganti aktiviti kokurikulum, sida Avit sebuat berandau ba langkau bacha.

Avit: Bisi meda Minah nuan?

Injan: **Nadai aku meda iya.** Kenu ku Guyang, tabin iya. Amat nya kini, Anau?

Anau: Amat. Aruh iya dipeda tak lembau kemari.

Injan: Kasih amat nih. Kitai patut nyaga pengerai.

Avit: **Au, setuju aku.** Nya mih kitai diperansang besenam. Keba kitai anang lembau *hiking* enggau jogging.

Anau: Nama agi nih?

Injan: Nyaga pemakai laban pemakai setimbang manahka pengerai.

Avit: Setuju. Ngamatka rambai jaku, idup bepengerai pendiau nyamai.

Nama kebuah
kitai besenam?

BA: 13

1.1.3 (i) (ii)

Malin Pengajar

- Ngiring nemiak meratika ayat ti dichura lalu ngayanka respons ke engkeman tanda besetuju enggau enda setuju.

PBTT: Ngeanalisis

UP: Ngemeranka pengerai

ENK: Peneguh Global



Audio 13





Aram Macha

Dingaka audio lalu bacha randau di baruh tu.

Niki Bukit Lemba

Ujung minggu tu tadi, Kelab Kembara Sekolah Kebangsaan Ulu Lemba niki Bukit Lemba.

Manah amat rampa menua dipeda ari tuchung bukit tu nih, pengajar.

Endang amat. Nya kebuah kitai mesti nyaga pemanah rampa menua.

Setuju pengajar. Nyau geriuk buah lemba tu.

Enti pia anang rindang kitai. Aram bebela dulu.

Au. Ditu kitai berenah.

Bah, sama bejeputka bekal tu kitai!





Aram Nulis

Peratika keresa ti dikena bejoging dalam gambar di baruh tu.

selapuk

baju

butul ai

tanchut pandak

setukin

kasut

BA: 15

3.1.3


Malin Pengajar

- Ngiring nemiak nyepil leka jaku.
 - Minta nemiak nulis leka jaku belalauka gambar ba bup latih.
- PBTT: Aplikesyen
ENK: Peneguh Global



Aram Nulis

Peratika gambar lalu tulis leka jaku ke engkeman dalam bup latih.



Malin Pengajar

- Ngiring nemiak meratika gambar lalu ngelala bansa senam.
 - Minta nemiak nulis leka jaku ke betul belalauka gambar dalam bup latih.
- PBTT: Aplikesyen
ENK: Peneguh Global
UP: Ngemeranka pengerai

BA: 15

3.1.3



Bungai Jaku

Dingaka audio lalu sadaka lagu di baruh tu.



Engkayu Babas Sera Nyawa

Engkayu kelindang, empasa, tubu,
Dalam babas malar nyengenda,
Merudang, miding, paku keru,
Engkayu babas ke sera nyawa.

Kantuk letup, daun sabung,
Nadai rachun keruntuk bisa,
Kachang kuchu, batang subung,
Engkayu babas ke sera nyawa.

Jelayan, aping, tepus, lalis,
Pait, manis enda sebaka,
Tunu, resih, rebus, lempis,
Engkayu babas ke sera nyawa.
(Ulang 2x)

(Tiun: *Joget*)



BA: 16

4.1.2

Malin Pengajar

- Ngiring nemiak belemati sereta nentuka enteli nitihka tusun frasa leka jaku.
 - Ngiring nemiak nyadaka leka main enggau patah nyawa ke betul.
- PBTT: Aplikesyen UP: Nyaga pengerai
ENK: Kreativiti enggau Inovesyen



Audio 15



Jalai Jaku

Jaku Ganti Nama Diri

Pukas Asap Insap

Lemai nya, Tuai Rumah Untam berandau enggau Kepala Pengajar Entalang maya ke ngambi anak pulai ari sekula.

“Tak salah munyi tanya. **Aku** ninga rumah panjai **kita**, mujur diangkatka nyadi rumah pukas asap insap. Manah amat nya,” ku Kepala Pengajar Entalang.

“Au. **Sida** ti deka nginsap semina dikemendar ba palan nginsap aja,” timbal tuai rumah.

“Baka ni **nuan** ngatur sida ti enda ngasika adat nya dih?” tanya kepala pengajar.

“Sapa ke ngelanggar adat tu deka tinggang ukum penyampau RM10.00,” pia ku tuai rumah.



Malin Pengajar

- Ngiring nemiak meretika jaku ganti nama diri ti bechura dalam teks.
 - Minta nemiak ngeliska jaku ganti nama diri.
 - Kerandauka enggau nemiak senentang pemanah pukas asap insap.
- PBT: Aplikesyen
ENK: Peneguh Global
UP: Ngemeranka pengerai

“Rumah panjai **kami** pan bisi mih deka merambu ngaga baka engkita,” ku kepala pengajar.

“Manah enti baka nya. Mayuh pemanah rumah pukas asap insap tu dih. Manahka pengerai **kitai**, rumah panjai pan beresi laban nadai papung ruku enggau kutak insap dibuai sengapa endur,” ku tuai rumah.

“Endang amat nya tuai rumah,” ku kepala pengajar.

“Agi belala berandau. Bah, mupuk dulu aku kepala pengajar!” ku tuai rumah sambil nyurungka jari nabi kepala pengajar.





Jalai Jaku

Jaku Ganti Nama Diri

The grid is 4 rows by 4 columns. The starting position 'Tabin' is at the bottom-left corner (row 4, column 1). The goal 'Aku gerai' is at the top-right corner (row 1, column 4). Blue arrows show possible moves: right from (4,1) to (4,2), up from (4,1) to (3,1), right from (3,1) to (3,2), left from (3,2) to (3,3), down from (3,3) to (4,3), left from (4,3) to (4,4), up from (4,4) to (3,4), left from (3,4) to (3,5), right from (3,5) to (3,6), down from (3,6) to (4,6), left from (4,6) to (4,7), up from (4,7) to (3,7), left from (3,7) to (3,8), right from (3,8) to (3,9), down from (3,9) to (4,9), left from (4,9) to (4,10), and up from (4,10) to (3,10).

Chara bemain.

1. Dua tauka tiga iku bemain.
2. Dadu dilambung. Buah dikinsit nitihka lumur ba dadu.
3. Enti ngetu ba pitak gadung, gaga ayat ngena leka jaku ganti nama diri baka ba pitak di baruh ba bup latih.

1	2	3	4	5	6	7	8
aku	nuan	kami	kita	kitai	sida	kenduai	iya

4. Sapa ti dulu datai ba 'Aku Gerai' nya menang.



Aram Mending enggau Bejaku

Dingaka audio lalu keluluka randau di baruh tu.

Lebuh tepedaka Burung Menaul terebai tinggi, Burung Ruai lalu bisi ati deka nunda. Iya lalu minta ajar Burung Menaul terebai.

Uji ajar aku **terebai tinggi**, unggal. Rindu meda kita nginding ngelayang di langit.

Nadai salah. Keterubah, kerembaika sayap nuan.

Udah. Peda nuan pemanjai sayap aku tu. Iya ga mayuh chura sereta **perenching**. Tentu aku ulih terebai tinggi sereta laju.

Udah nya, entepa lalu kebapka sayap nuan.

Udah unggal, tang tak lalu enda ulih tinggi ga tu.

Akai rai, unggal! Nadai ku enggau mih. Nyangka ukai ungukep kita ulih terebai tinggi.



Aram Mending enggau Bejaku

Bacha ensera di baruh tu.

Burung Ruai Belajar Terebai Tinggi

Burung Ruai **bisi** ati deka terebai **tinggi** nunda Burung Menaul. Iya **ngelawa** lalu **minta** Burung Menaul ngajar iya. Burung Menaul setuju **deka** ngajar Burung Ruai. Iya lalu minta Burung Ruai **meda** sereta **nunda** chara iya terebai. Umbas **pengelama nengkila**, Burung Ruai lalu ngebabka sayap iya nunda Burung Menaul. Tetiap **kali** nguji, Burung Ruai tetap **enda** ulih terebai tinggi nunda Burung Menaul.

(Dibali ari: Sulaiman Zakaria, 2016. *Burung Merak Belajar Terbang dan Cerita-Cerita Lain*. Selangor: Sri Saujana Marketing)

Ba penemu kita, nama kebuah Burung Ruai enda ulih terebai tinggi?



Malin Pengajar

- Ngiring nemiak ngelala leka jaku ti ngundan vokal besekat glotis ti bisi dalam teks.
 - Minta nemiak berandauka tanya di atas dalam raban.
- PBT: Ngeanalisis
ENK: Ukur Pemanah
UP: Berani nguji





Aram Macha

Bacha teks di baruh tu.

Jugam Ngiga Pemakai

Hari siti seduai mupuk ngiga pemakai. Seduai tepedaka siti lubang ti besai ba baruh perugu pun kayu. Seduai lalu ngelawa endur nya. Datai dia, seduai nyenguk tang enda ulih meda utai di dalam laban lubang nya petang amat.

“Manah aku dulu ngabas. Enti bisi pemakai, lagi aku madahka nuan,” ku Jugam Pirang.

Kira umbas pengelama udah nganti, Jugam Chelum lalu nyapa, “Unggal, mayuh pemakai di baruh dia?”

Jugam Pirang lalu enda nyaut seleka mukut, enda malas seleka beras.

(Dibali ari: Sulaiman Zakaria, 2016. *Burung Merak Belajar Terbang dan Cerita-Cerita Lain*. Selangor: Sri Saujana Marketing)

BA: 22

2.1.2

Malin Pengajar

- Minta nembak nentuka leka jaku ke ngundan vokal terbuka, vokal beseat glotis, konsonan turu enggau urup nasal.

PBTT: Aplikesyen

ENK: Ukur Pemanah


UP: Bekerejasama




Aram Macha

Bacha teks di baruh tu.


Ikan enggau Undang




Ikan seduai **Undang** diau di dalam **sungai** ti **mabu**. Seduai **bisi** ati deka ngelawa siti lubuk ti dalam ba **ili** sungai nya.



Hari siti seduai lalu undur ngili ai sungai nya. Enda **mukai-mukai** Ikan tak lekat ba selepak **batu**. Iya kusil-kusil deka ngelepaska diri.



Lelabi mansang **lalu** ngejuka batu **nya**. Ikan pan lepas. Uдах meri terima kasih, Ikan **enggau** Undang lalu **mupuk** neruska pejalai seduai.



Undang nguji **mantu** Ikan tang enda ulih. Diju, dibatak enda ga Ikan **nginsit**. Enda jauh **ari** nya, **siku** Lelabi nengkilaka seduai.





Aram Nulis

Bacha lalu giga sepil ke salah dalam teks.

Nya Dipeda Nya Dipinta

Hari siti anak kera tepadaka siku ular sawa. Iya rindu meda lalu deka minta likau sawa nya. Iya lalu ngalawa sawa. Bedau sampat nanya, sawa nangkap lalu malit anak kera. Anak kera lalu nyarauh manjung. Panjong iya didinga sida sebilek. Apai iya berumban ngesah.

“Minta kasih nuan, unggal. Olih nuan ngelepaska anak aku nya,” pinta apai kera.

Sawa lalu ngelekaka anak kera. Anak kera lalu balanda enggau sabak-sabak ngelawa indai iya.

“Nya mih anak, enda semoa utai ti dipeda ulih dipinta kitai memagang,” ku indai iya.

Belabuh ari nya, anak kera nadai minta utai ti dipeda iya agi.

(Dibali ari: Sulaiman Zakaria, 2016. *Burung Merak Belajar Terbang dan Cerita-Cerita Lain*. Selangor: Sri Saujana Marketing)



BA: 23

3.1.4

Malin Pengajar

- Minta nemiak macha teks.
 - Ngiring nemiak ngemetulka sepil ti salah ke bisi ditemu dalam teks.
- PBTT: Nyerenih
ENK: Ukur Pemanah
UP: Beterima kasih



Aram Nulis

Bacha lalu giga sepil ke salah dalam randau di baruh tu.

Manuk enggau Ruai Nurun Ngabang

Hari siti, semua jelu besaup nyediaka pemakai dikena masa raja baru sida dalam kampung nya. Gajah mai tebu, kera mai pisang, jugam mai buah sibau lalu pelanduk mai sayur. Manuk seduai Ruai deka nandang ngagai pengawa nya.

Eh, bisi lopak ditu unggal! Baka ni tua deka ngelayang kin?

Terima kasih, unggal. Enti nuan enda mantu tadi, tentu tuboh kami duai basah sereta kamah.

Anang irau seduai baki, lagi aku melentika tubuh aku tu, ngambika seduai olih niti lalu datai di seberai nyin.

- Minta nemiak ngeluluka randau.
- Ngiring nemiak ngemetulka sepil ti salah.




Bungai Jaku

Dingaka audio lalu keluluka situasyn bepelasarka dindang nya.

Dindang Ukur Pemanah

Anak ukui dikumbai chauk,
Anak mayau lanchat begagai,
Jari diulur bejalai engkunduk,
Adat bebasa mansa tuai.



Tupai begagai di puchuk munti,
Kera jelangkit di tapang mingkai,
Tuchum diberi jari ditabi,
Ngelaluka temuai nandang datai.

Tiung belagu di pagi hari,
Semalau kekuchau maya lemai,
Pemeru dibai ke buah jari,
Tanda penyiru ke datai nemuai.
(Ulang 2x)



BA: 24

4.1.3

Malin Pengajar

- Minta nemiak beratika ukur pemanah dalam dindang.
 - Ngiring nemiak ngiga ukur pemanah dalam dindang.
- PBTT: Aplikesyen
ENK: Ukur Pemanah

UP: Bebasa



Audio 17



Jalai Jaku

Jaku Ganti Nama Pengempu

Dingaka audio lalu peratika jaku ganti nama pengempu ti bisi dalam randau.

Pelanduk seduai Tekura bebai ngiga pemakai. Datai ba madang riang seduai lalu ngetu.

Pelanduk: Mayuh bendar daun riang ditu nih. Muak ari ni ngenuan, sambu?

Tekura: Tu engkami serumah magang, sambu. Engku muak ari atas nyin.

Pelanduk: Enda pungkang pemakai mih kita serumah, enti pia.

Tekura: Au. Ni pemesai madang buan engkita, sambu?

Pelanduk: Engkami sebuat enda ga ngemesai engkita tu. Engku penumbas iya ga pemesai.

Tekura: Manah mih nya sambu, bela sama bisi.





Aram Mending enggau Bejaku

Dingaka audio lalu tentuka munyi leka jaku.

Cherita Aki

Lemai nya, bala nemiak duduk nunga aki Anau laban deka ningaka tampung cherita.

Anau: Nama **gaga** nuan, aki?

Aki: **Benung** mingkai raga ini kita aku tu, uchu.

Injan: Enda ditampung mih **cherita** kitai lemali kemari, aki?


Aki: Nadai salah nya uchu.

Semua: Yeaaa!

Aki: **Mayuh** cherita uchu. Siti ni deka didinga kita dih, uchu?

Injan: Tak tusika semua dia mih, aki.

Aki: Au mih. Cherita Apai Saloi dulu. **Nyadi** dulu keliala...



BA: 27

1.2.1 (iii) (iv) (v)

Malin Pengajar

- Ngiring nemiak meratika leka jaku ke bechura.
- Ngiring nemiak nentuka munyi urup konsonan enggau vokal tebuka sereta kualiti leka jaku.

PBT: Ngeanalysis

ENK: Peneguh Global

UP: Siruka pangan diri



Audio 19



Aram Mending enggau Bejaku

Peratika topik cherita lalu tentuka munyi leka jaku.

Apai Saloi



Raja Merum Mudi Apai Saloi




Batu Kudi



Bebali Nyadi Nyumbuh



Apai Saloi Bulih Rusa



Anak Patu Balu



Topik
Cherita
Aki

- Ngiring nemiak meratika leka jaku ke bechura.
- Ngiring nemiak nentuka munyi leka jaku dalam konteks ba teks.
- Ngiring nemiak nentuka munyi urup konsonan enggau vokal tebuka sereta kualiti leka jaku.



Aram Macha

Dingaka audio enggau lenak.

Apai Saloi

Selamat pagi, unggal.
Kati, jual nuan
kambin nya?

Deka mih. Berapa
rega nya?

Au. Nadai ku enggau
ga, unggal. Ati ga
keran. Tak **betunggang**
lupung mih tu mayar.

Tu rega iya, unggal.

Sama-sama.

Selamat pagi. Nama,
nuan deka meli?

Enda ga **mar** iga,
unggal. Mina lapan
ratus ringgit aja.

Enda ngawa, unggal.
Enda nuan nesal meli
kambin tu.

Terima kasih, unggal.

Malin Pengajar

- Ngiring nemiak ngelala leka jaku lalu nyepil enggau lanchar nitihka patah sebut.
 - Minta nemiak ngiga reti leka jaku ke bechura dalam bup sereba reti.
- PBTT: Ngeanalisis
ENK: Pengelandik Dagang

UP: Siru enggau beterima kasih

Aram Nulis

Bacha lalu peratika ayat tunggal ti bechura.

Raja Merum Mudi Apai Saloi

Nitihka cherita menya, Raja Merum nguji mudi Apai Saloi.

Iya deka nukar kambing ajih enggau serati. Raja madahka serati nya ulih beteluka emas.

“Ulih tua betukar tepa, menyadi? Aku bisi serati betelu emas,” ku Raja Merum.

“Apu, nih! Tau mih, deka aku. Kambin aku ba belakang din ambi nuan,” timbal Apai Saloi.

Raja berumban pulai. Iya nabanka kambing.

Iya ngengkahka kambing nya ba atas katil. Apai Saloi nepu serati dalam tansang.

Raja Merum dani. Baru iya nemu diri malai tai. Iya kuak-kuak mutah. Tubuh iya kamah sereta bebau.





Meda baka nya, Raja Merum enggau ati ti asa mulaika kambin ngagai Apai Saloi.

“Enda nyadi aku nginang kambin,” pia ku Raja Merum.

“Kati serati dih?” tanya Apai Saloi.

“Lalu empu nuan mih,” saut Raja Merum.

Raja Merum mulaika diri. Apai Saloi nanchangka kambin ba tisi tansang serati. Lebu malik ke dalam tansang, iya nyau tegepang. Serati pemeru raja amat-amat beteluka emas. **Apai Saloi andal amat.**



Nama penyadi pengidup Apai Saloi udah nya?





Aram Nulis

Baca lala peratika ayat tunggal.

Apai Saloi Bulih Rusa



Lebuh pulai narit wi, dia Apai Saloi nyau tegepang meda rusa tak tinduk dalam perau iya.

“Apu, tu baru untung! Enda ibuh ngasu bulih mih rusa,” Apai Saloi gaga ati. Lelubah iya muka tanchang tali perau lalu bekayuh pulai. Sengkerung wi, duku enggau ma dikait iya ba tanduk rusa.

“Nama ti dibai nuan nya, Apai Saloi?” ku orang siku nanya iya ari tebing sungai.

“Rusa,” ku saut Apai Saloi begadai-gadai enggaika rusa nya dani.



Malin Pengajar

- Ngiring nemiak ngiga ayat tunggal dalam teks.
 - Minta nemiak nulis baru ayat tunggal nena teknik ‘tunda-tulis’ enggau kemas.
 - Kerandauka ukur pemanah ti bisi dalam cherita.
- PBTT: Aplikesyen
UP: Rurus ati
ENK: Peneguh Global



“Nadai ninga aku. Nama ke dibai nuan nya, Apai Saloi?” ku lelaki nya nanya baru.

“Rusa, rusa!” ku saut Apai Saloi inggar agi.

Nanya baru ga lelaki nya tadi. Kati ke enda dih, tudah ga bengal.

“Apai Saloi! Nama utai ke dibai nuan nya?”

“Akai, amat enda ninga nuan tu nih! Rusa, rusa!” ku Apai Saloi nyaut enggau nyawa ke inggar.

Peda tak tekenyit rusa ke tinduk lalu engkechit nabanka semua keresa tudah Apai Saloi. Perau iya pan karam.





Bungai Jaku

Bacha lalu peratika jaku silup dalam teks.

Anak Patu Balu


Kenu ku cherita, dulu kelia bisi nemiak siku ke benama Sali. Sali diau enggau ini iya kediri. Apai enggau indai iya **udah nadai**. Seduai merinsa amat idup.

Lemai siti, peda tak nyau belawa-lawa tudah Sali duie-duie nyabak lalu merap ini iya.

“Lapa nuan, **anak asi?**” pia ku ini iya.

“Lapar aku, ini. Enggai aku makai tulang. Sida nikauka aku tulang,” pia ku tudah.

Abis ati mih ini meda uchu iya dikeduan orang baka nya. Sekumbang ke **meda dunya**, sigi nadai nemu penyenang tudah uchu.



Malin Pengajar

- Ngiring nemiak meretika jaku silup ti ngundan dua leka jaku dalam teks.
- Minta nemiak ngiga reti jaku silup nya dalam internet tauka kereban chelak bukai.

PBT: Nyerenih
ENK: Peneguh Global

UP: Siruka diri sebilik

BA: 30-31

4.2.1 (ii)



Jalai Jaku

Jaku Ganti Nama Rama


Bacha lalu peratika jaku ganti nama rama dalam teks.

Batu Kudi

Richah bala sida begawai lemai nya. Macham leman main sida sambil ke makai enggau ngirup.

Ini Sali begedi amat ati ngenangka uchu diri dikemaluka sida serumah. Nya alai, **iya** lalu ngari mayau siku. Iku **iya** lalu ditanchangka tulang manuk. Udah nya, **iya** lalu ngelepaska mayau nya ba palan orang ke benung richah rami.

Mayau nyau bepusin-nanin deka ngulihka tulang ba iku **iya**. Meda ulah mayau baka nya, sida balat amat ketawa. Enda mukai-mukai...



Ba runding nuan, nama pekara ke nyadi ba sida serumah?

BA: 32

5.1.2 (iii)

Malin Pengajar

- Ngiring nemiak ngelala lalu ngena jaku ganti nama rama enggau betul sereta engkeman.
- Minta nemiak meratika jaku ganti nama rama ke bechura dalam ayat dalam teks.
- Minta nemiak nulis ayat ngena jaku ganti nama rama.

PBT: Aplikesyen

UP: Bebasaka pangan diri

ENK: Peguuh Global



Jalai Jaku

Jaku Ganti Nama Pengempu

Bacha lalu peratika jaku ganti nama pengempu di baruh tu.

Bebali Nyadi Nyumbuh


Sekayu rumah sida ditinggang penusah. Semua sida serumah bebali nyadi batu. Sali seduai ini iya lari ke kampung puang. Seduai lari betungkup ngena kawah besai. Datai ba kampung puang, seduai lalu bebali nyadi nyumbuh.

Engku buah tu, ini?

Au, ini.
Terima kasih.

Ngenuan mih nya, uchu. Anang enda makai. Belajar mih tua makai buah kampung.

Sama-sama, uchu.



PANDAI DI CHUNGGAI UJUNG JARI



Aram Mending enggau Bejaku

Dingaka audio lalu keluluka randau di baruh tu.

Minah enggau Kavita datai nemuai ngagai Injan di rumah panjai.

Injan: Lalu, bakih. Seduai duduk dia, anang kelalu jauh din.

Kavita: Au, terima kasih.

Minah: Kemaya nuan berengkah nganyam peniup nya?

Injan: Kemari.

Kavita: Kemaya disadang tembu dih?

Injan: Pagila, pelaba aku.





Aram Mending enggau Bejaku

Bacha chunto randau di baruh tu. Tengkebang randau belalauka gambar ti diberi.



Indai Injan: Nama berita seduai, endu?
Minah: Manah berita kenduai.



Malin Pengajar

- Pengajar meri chunto sekeda leka jaku nyapa.
 - Ngiring nemiak nengkebang randau bepelasarka leka jaku ti dikena nyapa.
- PBTT: Nengkebang UP: Bebasaka pangan
ENK: Kreativiti enggau Inovesen

BA: 35

1.2.2 (ii) (iii)





Aram Macha

Bacha teks di baruh tu.

Asil Pengelandik Jari Ari Pelastik

Bila pelastik mayuh macham chura baka mirah, kuning, banda, kalas, gadung, biru, chelum enggau ti bukai. Bila pelastik ulih dibeli ba pasar. Kitai ulih **milih**.

Kemaya hari tu, orang mayuh **nganyam** kereban ari bila pelastik. Kitai ulih milih chura ti dikedeka diri. Nambahka nya, bila pelastik tu chukup **tan** lalu lubah **luya**. Mayuh asil ulih dianyam ari bila pelastik baka bakul, tikai, timpa, chapan, sarang tisu, sarang pinsil, peniup enggau ti bukai.

Asil pengelandik jari ari bila pelastik tu ukai semina dianyam kena diri empu tang mega tau dijual kena nambahka penatai **pemisi**.



BA: 36

2.2.1 (i) (ii)

Malin Pengajar

- Ngiring nemiak nentuka sekeda reti leka jaku ari teks.
 - Minta nemiak meri respons pasal teks ti udah dibacha.
- PBTT: Aplikesyen UP: Angkunka pesaka menua
ENK: Kreativiti enggau Inovesyen



Aram Nulis

Bacha teks di baruh tu.



Terabai Iban

Terabai siti ari perengka perang bansa Iban dulu kelia. Suah agi terabai digaga ari kayu kering. Kemaya hari tu, terabai digaga nyadi pengias. Terabai diukir lalu dichura nitihka motif ti dikerindu. Diatu terabai pengias udah nyadi barang dagang. Ukir terabai mayuh bansa. Iya suah nyadika tepa ba siti-siti pengawa.



Malin Pengajar

- Ngiring nemiak ngaga ayat tunggal.
- PBTT: Nengkebang UP: Rindu nengkebang
ENK: Kreativiti enggau Inovesyen



Aram Nulis

Bacha lalu kemetulka sepil enggau tanda bacha ba ayat di baruh tu.

Proses Nusuk Gelang Marik



Keterubah, sediaka kereban baka leka marik, guntin, tali tansi, gelang besi mit enggau changkuk besi.



kepenudi tanchang tali tansi ngagai gelang besi mit



udah nya sukat lalu guntin tali tansi nitihka pemesai tengkuan



Nangkanka nya, tanchang terit tali tansi ba changkuk besi. tusuk leka marik nitihka motif kedeka diri

BA: 37

3.2.2 (ii)

Malin Pengajar

- Ngiring nemiak nusun leka jaku enggau betul dalam ayat.
 - Minta nemiak nulis ayat ti udah dikemetulka dalam bup latih.
- PBTT: Aplikesyen UP: Angkunka pesaka menua
ENK: Kreativiti enggau Inovesyen



Bungai Jaku

Dingaka audio lalu peratika jaku kelaung dalam teks.

Aki Guyang tebangkar landik ngaga bubu. Iya ngaga mayuh bansa bubu. Maya lapang, Guyang suah enggau aki iya bebubu. Iya andal deka belajar berikan ari aki iya.

Pagi hari siti, Guyang empurit aki iya ti deka ngabas bubu. Sebedau seduai nurun, dia indai Guyang dulu nyediaka bekal ke dibai seduai.

“Dalam raga nuan nya bisi **utai burak**. Itah ke bekal seduai aki nuan lagi,” ku indai Guyang.


“Au, indai. Ni **utai masin** bisi ga nuan nyimpan?” ku tanya Guyang.

“Bisi. Dalam kambut pelastik,” ku saut indai Guyang.



Malin Pengajar

- Ngiring nemiak macha teks.
 - Minta nemiak ngelala jaku kelaung dalam teks.
 - Minta nemiak nyebut jaku kelaung bukai ti ditemu sida.
- PBT: Aplikesyen
ENK: Kreativiti enggau Inovesyen
- UP: Angkunka pesaka menua



Udah tembu bekemas, seduai lalu mupuk ngejangka rumah. Seduai iya neapan perau. Guyang berasai ransing. Taja pia, bisi mega ati iya nangi laban iya nemu pengawa **bemain di ai** endang mayuh penguji. Iya suah ninga aki iya madahka bubu iya kala bulih **utai panjai** kelimpah ari ikan. Nambahka nya, ba sungai ke alai seduai bebubu mega suah dipeda bisi **jelu ai**. Pengawa seduai pagi nya mujur amat. Seduai bulih mayuh ikan. Taja pan lelak tang ati Guyang chukup puas. Mayuh utai dipelajarka iya ari aki iya senentang chara bebubu.





Jalai Jaku

Jaku Adjektif

Bacha ayat belalauka gambar di baruh tu.

1. Kavita **tuchum** manis nerima tepa ari Injan.



2. Minah meli chapan **besai** ba kedai kraf.



3. Guyang **deras** amat belanda.



4. Aki Guyang **bagas** ngetan bubu.



5. Injan ngena baju bechura **kuning**.



Malin Pengajar

- Minta nemiak macha ayat belalauka gambar.
 - Ngiring nemiak ngelala jaku adjektif ti bechura mirah.
 - Minta nemiak ngerintaika jaku adjektif ti bukai.
- PBT: Aplikesyen UP: Bebasa
ENK: Jaku




UNIT 7

MAIN ASAL NYUNGKAK PEMINTAR




Aram Mending enggau Bejaku


Peratika gambar lalu beri penerang nitihka peneleba diri.



main pangka



kejingka



batak lampung

MAIN ASAL KITAI

Nemu kita nama main asal dalam gambar di atas?
Kala kita bemain nya?
Nemu kita chara bemain iya?

Diatu nemiak majak kurang pengerindu ke main asal.
Nama kebuah?



entelah anak mit

BA: 41

1.2.3 (i) (ii)

Malin Pengajar

- Ngiring nemiak nentuka penerang dalam teks.
 - Minta nemiak meragam berindik ba penemu ke udah dikemisi senentang main asal nemiak mit ke bukai.
 - Minta nemiak ngeluluka diri bemain.
- PBTT: Meragam UP: Sayauka main asal ENK: Peneguh Global



Aram Macha

Dingaka audio lalu bacha teks di baruh tu.

Main Pangka Tajau

Lemai nya, bala nemiak richah nyau munyi ke ngalahka empatan. Sida bemain enggau pangan diri ba tengah laman.

“Andy Kong, aram kitai main pangka. Kati bisi pangka nuan?” tanya Anau.

“Nadai. Ulih nuan nyali aku?” ku Andy Kong.

“Ulih. Engku bisi dua igi,” saut Anau.

“Sapa setanah enggau aku, dih?” ku Andy Kong.

“Tua tau mih, Andy Kong. Enda enchepai pangka seduai nya lagi,” ku Anau.

Tembu bemain, sida empat betabi jari.



Kelia main pangka kena orang mechahka kandung padi.

Nama kebuah sida empat betabi jari?

- Ngiring nemiak nanya ngena mayuh tikas tanya senentang teks.
- Minta nemiak ngaga inferens senentang pekara ke nyadi dalam teks bepelasarka konteks.






Aram Nulis

Bacha teks lalu peratika ayat tunggal ti bechura.

Main Kejingka



Main kejingka tu sebansa ari main nemiak mit. Main tu suah agi dimain nemiak indu maya lepa.

Main tu neman agi dimain dua ngagai empat iku nemiak. **Buah kejingka digaga ari kerimpak kacha, pasu, pinggai tauka batu.** Buah tu ke tanda menalan nemiak mindah ari siti pitak ke pitak bukai.

Menalan kejingka suah agi digaga ba tanah ngalan ti digaris bepita-pita. Bisi lapan iti pitak enggau siti engkerung dalam siti menalan.



Ba sekeda menua main kejingka mega ditelah orang baka singka, katau, jingke, kang enggau singkai.



BA: 43

3.2.2 (iii) (v)

Malin Pengajar

- Ngiring nemiak beratika tanda bacha, frasa enggau ayat turu dalam genteran ayat ti bechura mirah.
 - Minta nemiak nulis ayat turu ngena tanda bacha ke betul awakka nyadi ayat ti engkeman.
- PBT: Nengkebang UP: Angkunka main asal
ENK: Peneguh Global



Aram Nulis

Tipak frasa bepelasarka gambar awakka nyadi ayat ti engkeman dalam bup latih.



Injan

benung milih
buah kejingka
kerimpak pasu.



Kavita

ngaga menalan
kejingka.



Minah

gaga sereta
tepantup ati bemain.



Sida tiga

minching butul ai
sambil belagu nuju
laman rumah deka
bemain kejingka.



Bungai Jaku

Dingaka audio dalam teks di baruh tu.

Entelah

Pagi nya Pengajar Jara mai nemiak begiga entelah.



BA: 44-45

4.1.4

Malin Pengajar

- Nerangka nemiak begiga entelah ngena chara *traffic light*.
- Minta nemiak berandau senentang entelah.

PBTT: Ngerenih

UP: Ngemeranka main asal

ENK: Peneguh Global

55
KPM



Audio 24



Bungai Jaku

Peratika entelah di baruh tu.

Begiga Entelah

Bisi langit nadai bulan,
Bisi ai nadai ikan.

Ulu lungga:
Kuah bubur
Saut:



Pisang sesikat enda alah empa.

Ulu lungga:
Manuk
Saut:

Laja apai Sali enda alah tiap.

Ulu lungga:
Rutan
Saut:



Malin Pengajar

- Ngiring nemiak beratika entelah enggau saut iya dalam teks.
 - Minta nemiak ngelalaika entelah ke bukai ti ditemu sida.
- PBTT: Nyerenih
ENK: Peneguh Global
UP: Ngemeranka main asal





Jalai Jaku

Pengenap Tesa

Bacha lalu peratika pengenap tesa dalam randau di baruh tu.



Batak Lampung

Ngalih hari nya, Pengajar Anding mai bala nemiak Kelab Jaku Iban bermain batak lampung.

Pengajar: Lemai tu, kitai bermain batak lampung.

Avit: Baka ni chara bermain nya, pengajar?

Pengajar: Keterubah, kitai milih dua **iku** orang ti deka bebatak. Seduai diberi **sebatang** kayu. Kedua-dua **piak** kaki seduai sama betumpu ba **sekepin** papan. Kayu nya dibatak pengikas tulang. Sapa ti tebatakka pangan diri, nya mih menang.

Andy: Aku deka pengajar. Kami duai Anau dulu bermain.

Anau: Aram ngujiika tulang tua.

Andy: Au, mih!

BA: 46-47

5.1.4



Malin Pengajar

- Ngiring nemiak ngelala lalu ngena jaku pengenap tesa ti mudah enggau betul sereta engkeman.
 - Minta nemiak ngeliska jaku pengenap tesa ke bukai lalu ngaga ayat.
- PBT: Aplikesyen
ENK: Peneguh Global
UP: Angkunka main asal





Jalai Jaku

Pengenap Tesa

Main Selingkut

Lemai nya Anau, Minah enggau Kavita bemain selingkut ba baruh **sepun** kayu ti rinda ba laman rumah sida Anau.

Aram kitai tiga main selingkut.

Muntang nya dih. Ngena lima **igi** batu. Keterubah, selingkut dikena nentuka riph bemain. Uдах nya, main satu, main dua, main tiga enggau main empat. Uji nuan nerangka agi, Minah.

Baka ni main nya nih?


Au, tau ga. Nangkanka main empat nya, main tom. Uдах nya, main lau. Kepenudi iya, main nyuk. Enti batu enda inggut, iya lalu bulih puin **semangkuk**.

- Ngiring nemiak merati, ngelala lalu ngena jaku pengenap tesa dalam teks.
- Minta nemiak ngeliska jaku pengenap tesa ba teks lalu ngaga ayat dalam bup latih.



UNIT 8

BUMI GADUNG PEMERI PETARA



Aram Mending enggau Bejaku

Peratika gambar di baruh tu.



Nama kebuah kitai mesti nyaga pemeresi rampa menua?

BA: 51

1.2.3 (iii)

Malin Pengajar

- Betanya saut enggau nemiak bekaul enggau pemeresi rampa menua.
- PBTT: Aplikesyen
ENK: Jaku
UP: Sayauka rampa menua



Aram Mending enggau Bejaku

Dingaka audio lalu sadaka leka main di baruh tu.

Dit Dinai Menidit Dinai

Dit dinai menidit dinai,
Menua kami naka pemeresi,
Mayuh bukit tinggi gegiai,
Babas ga naka pemadas,
Endur jelu suah begagai,
Dit dinai menidit dinai.

Dit dinai menidit dinai,
Sungai kami naka pemanjai,
Ai chiru ikan belalai,
Wung bepanchur batu bebesai,
Perayat lantang ngiga pemakai,
Dit dinai menidit dinai.

Dit dinai menidit dinai,
Aram kitai ga sampal datai,
Ngasaika rampa menua tuai,
Ngelantang ati ngiga pengerai,
Rampa menua dijaga begulai,
Dit dinai menidit dinai.



Malin Pengajar

- Nemiak ninga leka main ngena kereban bantu DVD.
- Ngiring nemiak bejuraika reti dalam leka main.


PBTT: Aplikesyen

ENK: Ukur Pemanah

UP: Sayauka rampa menua



Audio 25



BA: 51

1.2.3 (iv)




Aram Macha

Bacha teks di baruh tu.

Kimpin Meresi Sungai

- Sungai chukup beguna ngagai pengidup kitai.
- Anang ngereja pengawa ti tau ngerusak tauka ngamahka sungai.
- Kupas sungai, anang sekali-kali muai uras sepeneka ati.
- Buai uras ngena chara sistematik.
- Sediaka tung nitihka bansa uras ti dibuai.
- Ulih endur bejalaika sistem tagang.
- Enda suntuk pemakai sereta ulih narit ati temuai datai.



BA: 52

2.3.1

Malin Pengajar

- Ngiring nemiak macha teks ngena chara beraban.
 - Ngiring nemiak macha ngena intonasyen ti nemban.
- PBTT: Aplikesyen UP: Sayauka rampa menua
ENK: Pemanah Rampa Menua







Aram Nulis

Dingaka audio lalu tulis jaku penyambung ti bisi dikena dalam teks.

Rumah Panjai Kami



Rumah panjai Ulu Lemba didirika ba siti munggu sereta dikelingi bukit. Enda jauh ari Ulu Lemba bisi wung ti nyadi penatai ai Sungai Lemba. Sungai nya enda kala langkang taja kemarau panjai laban bisi ngembuan mata ai.

Sungai Lemba chukup beresi. Kerangan manah alai memarin. Ikan empurau, buing, tengadak, labang enggau belabau agi mayuh ba sungai tu.

Tanah menua Ulu Lemba mega chukup ami sereta lati. Dia agi mayuh kayu kampung baka tebelian, perawan, tekam enggau keladan. Sida pemansik ukai semina rindu datai mansik pasal biodiversiti tang mega rindu meda rampa menua ti agi lati. Utai tanam tumbuh bauh sereta galak.

Rambai jaku 'Segulai Sejalai' nyadika peransang perayat Ulu Lemba maya ngereja pengawa. Pengawa berat nyadi lempung laban sida begempung ati.



Malin Pengajar

- Ngiring nemiak macha teks ti ngundan ayat turu.
 - Minta nemiak meretika guna jaku penyambung dalam teks.
- PBTT: Aplikesyen
ENK: Ukur Pemanah
UP: Nyaga rampa menua



Bungai Jaku

Bacha teks ti ngundan jaku sempama di baruh tu.

Pengerichah nyawa sida
Guyang serumah **munyi
burung ke makai buah kara**
lebuch ti ngerami temuai datai
ngagai *homestay* sida.



Penyigat Daud enggau
pemajik Jenah **baka pinang
dibelah dua** lebuch ti duduk
ba atas tawak maya nikah
seduai.



Pengirau sida apai Lema
sebilik **asai ke diau di baruh
punggu** laban nangika
rumah sida rarat ditabanka
bah musin ujan.



BA: 54

4.2.2 (i)

Malin Pengajar

- Ngiring nemiak macha teks ti ngundan jaku sempama.
 - Minta nemiak meri penerang ti bekaul enggau gambar.
- PBTT: Aplikesyen
ENK: Peneguh Global
- UP: Angkunka pengaya jaku bansa diri



Bungai Jaku

Dingaka audio lalu peratika jaku sempama dalam teks.

Dagang *Homestay* Ulu Lemba

Menua sida di Ulu Lemba tebalan alai temuai nandang datai. Rampa menua dia chukup badas. Dagang *homestay* sida serumah laku amat. Bala temuai seruran mayuh datai **baka semut ti nutu gula**. Sigi nadai tau pungkang. Nya alai, sida serumah endang seruran kisuk **baka ke mela pengabang**.

Kelimpah ari nya, bala temuai mega rindu belajarka main asal baka ngajat, bekuntau, betabuh enggau mayuh bansa main asal ti bukai. Maya ke meda aki Guyang ngajat, sida majak chapuh **munyi burung ke makai buah kara**. Iya chukup sikar **baka mayau ke nangkap chit**. Bala temuai suah madahka penemuai diri tak **asai ke diambi mimpi**. Keba nya siku dua ari bala temuai kala dua tiga kali nemuai kia. Penatai pemisi sida majak betambah. Pengidup sida serumah lantang senang indah **asai ke bempu dunya**.



Malin Pengajar

- Ngiring nemiak ngelala lalu nemu reti jaku sempama.
- Minta nemiak macha ayat enggau betul.
- Minta nemiak nyebut jaku sempama ti bukai.

PBT: Aplikesyen

UP: Bebasaka orang mayuh

ENK: Peneguh Global



Audio 27

4.2.2 (ii)

BA: 54



Jalai Jaku

Jaku Pengawa




1. Injan rindu macha.

2. Andy Kong merus kasut sekula.



3. Burung menaul terebai tinggi.

4. Kavita nusun mija dalam kelas.



5. Indai Guyang benung manduk lauk.

6. Guyang seduai aki iya benung makai buah rian.



BA: 55

5.1.5 (i)

Malin Pengajar

- Ngiring nemiak macha ayat enggau betul.
- Minta nemiak ngelala lalu nyebut jaku pengawa.
- Minta nemiak nyebut jaku pengawa ti bukai.

PBT: Aplikesyen

UP: Nyaga pemeresi

ENK: Jaku



Jalai Jaku

Keluluka randau di baruh tu.



Pagi nya, Guyang mai aki iya ngembuah buah rian.

Guyang: Apu, nih! Mayuh endar buah rian labuh sehari tu.

Aki: Nya mih uchu, gumpul ulih tua.

Guyang: Ni duku tadi? Nukupka aku sigi, aki.

Aki: Au, empa mih uchu.

Guyang: Udah mayuh rian ulih tua, aki.

Aki: Au. Mulaika diri mih tua.

Guyang: Enda lebu tua aki, bulih bendar ngembuah sehari tu.



- Ngiring nemiak macha teks.
- Minta nemiak ngelala jaku pengawa dalam randau.
- Minta nemiak nyebut jaku pengawa ti bukai.



Aram Mending enggau Bejaku

Bacha lalu peratika teks di baruh tu.

Siku malin temuai bekunsika peneleba iya ngagai sida
Injan sekelas.

Terima kasih sereta selamat ngalih hari ngagai bala kita laban udah ngangau lalu minta aku bekunsika peneleba. Sekumbang ti udah nyadi malin temuai, mayuh amat peneleba ti udah diasaika aku. Siti ari pekara ti enda tau enda dikemeranka iya nya licha enggau tangkan ngagai temuai. Sebedau aku mai bala temuai nurun, dulu aku meri licha pasal atur enggau kereban ti patut dibai sida. Lebuh maya bejalai sida ditangkan enda bepakaika utai, nangika bau pemakai nya tau narit bala jelu siga. Sida mega dilalau enda bebuai uras sengapa alai. Lebuh datai ba palan ti dituju, sida dipinta nyaga pemeresi sereta enda bekachauka utai tumbuh enggau utai idup ti bisi dipeda. Maya mulaika diri sida enda tau betinggalka pangan. Nya aja, terima kasih.

Sapa kala nemuai ngagai palan ti narit ati ti bisi di menua kitai tu? Kunsika peneleba kita.



BA: 57

1.2.3 (v) (vi)

Malin Pengajar

- Minta nemiak beratika cherita sekaligus nitihka rurun tauka enda.
 - Ngiring nemiak bekauljaul peneleba sida ngagai palan rekreasi.
- PBTT: Ngeanalisis
ENK: Ukur Pemanah



Aram Mending enggau Bejaku

Dingaka audio lalu keluluka randau di baruh tu.

Randau Pemberita enggau Tuai Rumah Untam

Siku pemberita ari sebengkah kompeni media ti tebilang ngerandau Tuai Rumah Untam ke lalu nyadi Tuai Renjer Kampung Galau Ulu Lemba.



- Pemberita: Selamat lemai, tuai rumah.
Tuai rumah: Selamat lemai ngagai nuan mega, igat.
Pemberita: Maya bejalai tadi, kampung dipeda agi lati, utai tumbuh agi bauh lalu utai idup pan agi mayuh. Baka ni chara kita nyaga iya, tuai?
Tuai rumah: Terima kasih, igat. Atur sigi bisi digaga perintah. Kami nyaup bejalaika atur nya. Enti enda pia, udah lama utai tumbuh enggau utai idup di menua tu panas. Pemujur tu endang datai ari sukung bala mayuh ke diau ngelingi menua kami ditu.
Pemberita: Terima kasih ke penerang nuan nya, tuai.
Tuai rumah: Sama-sama.





Aram Macha

Dingaka audio lalu keluluka randau di baruh tu.

Randau Ajung enggau Siku Temuai

Siku temuai ke bisi nemuai maya nya bisi berandau enggau Ajung. Ajung tu siku malin temuai ke udah dipadu nguluka bala temuai sehari nya.

Temuai: Manah amat menua kita tu, unggal.

Ajung: Nya mih, endang sigi nadai kala dikachau menua tu.

Temuai: Peda nyin, bisi sepemerap pemesai kayu nya.

Ajung: Amat nya tang bisi ke besai agi ari nya, unggal.

Temuai: Endai..., ukai pelanduk ke merejuk batang kayu nyin, unggal?

Ajung: Ni? Nyin. Iya mih nya, unggal. Peda nuan nyau junuk-junuk pejalai iya, empa penyinak.

Temuai: Uji palik nuan ke atas nyin, unggal. Baka burung empuna nya peda aku?

Ajung: Ukai empuna nya, unggal. Nya mih dikumbai orang emperegam. Iya besai agi ari empuna.

Temuai: Terima kasih, unggal.

Ajung: Sama-sama.



BA: 59-60

2.3.2

Malin Pengajar


- Ngiring nemiak macha inggar teks enggau intonesyen ti betul.
 - Minta nemiak ngeluluka diri nitihka watak dalam teks.
- PBTT: Aplikesyen UP: Sayauka rampa menua
ENK: Pemanah Rampa Menua





Aram Nulis

Meretika teks lalu peratika gambar di baruh tu.



Pagi siti, tumu bala nemiak Primari Tiga nyediaka diri. Sida nyimpan kereban ke patut dibai baka terumpit, tali, ubat enggau utai bukai nitih ke padah malin temuai sebedau nya.

Udah nya, sida lalu mupuk bejalai. Sida enda betinggalka pangan. Di rantu jalai, sida nadai ngachau utai idup enggau utai tumbuh nitih ke tangkan malin temuai.



Lebuh sida datai ba palan ti dituju, sida sebuat sama bela beratika pemanah rampa menua. Sida enda ngachau utai ti bisi ba menua nya. Sida sama bela muji pemanah menua Ulu Lemba.



Udah puas nimpai pemanah menua nya, sida sebuat lalu bebai pulai. Sida ngutun perengka diri. Sekeda ngumpul uras. Taja lelak tang sida berasai gaga ati ulih meda pemanah rampa menua nya.





Bungai Jaku

Dingaka audio lalu sadaka leka main di baruh tu.

Rampa Menua

Aku deka belagu,
Dinga bala kita,
Ngading menua ulu,
Kampung Ulu Lemba.

Kayu mayuh udu,
Nadai kala perimba,
Diuan mayuh jelu,
Bemacham burung mega.

Sungai pepadu chiru,
Ikan mayuh dipeda,
Main selepak batu,
Begembar mayuh mansa.

Ngetu aku belagu,
Ngelalau bala kita,
Arapka sama nemu,
Ungkup tanggung pengawa.

(Tiun: *Pantun Bulan*)

Malin Pengajar

- Ngiring nemiak macha leka main anak mit.
- Nemiak nyadaka main nitihka tiun pantun bulan ngena patah nyawa enggau entak sebut ti betul.

PBT: Aplikesyen
ENK: Pemanah Rampa Menua

UP: Nyaga rampa menua



Audio 30

BA: 63

4.3.1 (i) (ii) (iii)



Jalai Jaku

Jaku Pengawa

Perati lalu kelala reti jaku pengawa di baruh tu.

jelangkit

nepan

engkabit

terebai

ngelantar

ngerayap

BA: 64

5.1.5 (ii)

Malin Pengajar


- Ngiring nembak meretika reti jaku pengawa ti bisi dalam gambar.
- PBTT: Ngeanalysis UP: Sayauka rampa menua
- ENK: Pemanah Rampa Menua



Jalai Jaku

Jaku Pengawa Eksyen

Perati lalu-kelala reti jaku pengawa eksyen di baruh tu.



- Ngiring nemiak meretika reti jaku pengawa eksyen ti bisi dalam gambar.
 - Minta nemiak nyebut jaku pengawa eksyen bukai ti ditemu sida.
- PBTT: Ngeanalisis UP: Sayauka rampa menua
ENK: Pemanah Rampa Menua

PENGIDUP MODEN DI ENTIGIS



Aram Mending enggau Bejaku

Dingaka audio lalu keluluka respons randau di baruh tu.

Apai Avit seduai indai Avit bisi mendingka Tuai Rumah Untam berandau ba radio. Randau nya bekenangka penyamai pendiau di entigis sekumbang ke udah bisi karan enggau ai paip.

Apai Avit: Amat jaku Tuai Rumah Untam. Jauh lantang kitai diatu. Kereban elektrik ulih kena, betelefon pan ulih mih ari tu sereta dagang *online* ulih dikereja.

Indai Avit: Amat ku nuan, apai igat. Sekumbang udah bisi ai paip, pengawa nyadi lempung. Berapi muntang, nyauk nadai agi sereta betesah ngena mesin basu. Ai irup tau enda ibuh dipanduk.

Apai Avit: Sigi amat, tang taja pia anang enda bejimat sereta bekelimat ngena karan enggau ai.




BA: 67

1.3.1 (i)

Malin Pengajar

- Ngiring nemiak macha randau.
 - Minta nemiak bekaulka peneleba pendiau ba rumah diri enggau topik.
- PBTT: Aplikesyen UP: Bekelimat
ENK: Sains enggau Teknologi



Aram Mending enggau Bejaku

Dingaka audio lalu bacha teks di baruh tu.

Aku Mesin Basu




Aku mesin basu. Aku digaga ba siti kilang di Johor Bahru. Aku dijual ba pasar di Nanga Lemba. Hari siti, aku dibeli indai Guyang. Aku dibai iya pulai ke rumah panjai sida di Ulu Lemba.

Aku dikena masu gari tetiap hari. Aku enda mantah seagi-agi bisi karan dikena gawa. Aku ngereja pengawanya enggau lantang ati. Semua gari ke kamah nyau beresi memagang. Sida indai Guyang sebilik berasai nyamai sekumbang aku udah bisi laban nadai agi ringga bebasu gari.



Malin Pengajar

- Ngiring nemiak ningaka teks.
 - Minta nemiak beratika ajar manah ari teks ti udah didinga enggau dibacha.
- PBTT: Ngeanalisis UP: Sayauka reta tengkira diri
ENK: Sains enggau Teknologi





Aram Macha

Indai Guyang benung nelusur internet ngiga brosur *microwave*.

Microwave A

Rega asal: RM450.00
Timpuh jamin: 3 taun



Diskaun
50%

Jimat
karan

Pemerat
4kg

Microwave B

Rega asal: RM500.00
Timpuh jamin:
2 taun



Diskaun
30%

Pemerat
3.5kg



BA: 69

2.3.3

Malin Pengajar

- Ngiring nemiak meri buah penemu bepelasarka teks di atas.
PBTT: Banding bida UP: Sayauka reta tengkira diri
ENK: Teknologi Pemadah enggau Komunikesyen



Aram Macha

Giga tema lalu beri buah penemu bepelasarka teks di baruh tu.

Anau bisi nemuai ngagai rumah Avit. Avit udah besemaya deka ngaga jus rian belanda ke seduai iya.

“Baka ni ngaga jus rian belanda tu, Avit?” tanya Anau.

“Aku udah nyediaka isi rian belanda, ai, gula enggau limau. Pasukka semua kereban tu dalam pengisar. Kisar dataika alus. Uдах nya, tuang kereban ke dikisar tadi dalam gelas. Ngambika jus tu nyamai agi asai, tau champur ai limau mimit,” ku Avit.

“Nyamai endar jus buah rian belanda tu. Muntang sereta jampat nuan nyediaka jus tu ngena pengisar nya. Terima kasih, Avit,” pia ku Anau.

“Sama-sama, Anau,” saut Avit.





Aram Nulis

Tulis karang pandak belalauka penerang ti diberi.

Ensabi Organik Ulu Lemba



- ditanam ngena chara organik



- digumpul lalu dibasu



- dijembui dataika layu lalu diperuk nyadi kasam



- diempa ke lauk tauka dijual

BA: 70

3.4.1 (i)



Malin Pengajar

- Ngiring nemiak beratika gambar lalu ngulihka penerang.
 - Minta nemiak nulis karang ba bup tulis.
- PBTT: Aplikesyen UP: Rinduka diri sebilik
ENK: Pengelandik Dagang



Aram Nulis

Sida Avit sebilik bisi ngulu pemandang bantai pekakas elektrik lebuah maya ngalu ke mengeri.



Sida Avit sebilik berasai rindu sereta gaga laban ulih ngulu pemandang bantai nya. Sida sebilik seati deka meli kipas angin moden sepengudah bulih penerang pasal pengeleboh guna iya.



Malin Pengajar

- Ngiring nemiak macha teks.
 - Ngiring nemiak nulis karang belalauka frasa ti diberi dalam bup tulis.
- PBT: Aplikesyen UP: Nguna teknologi enggau manah
ENK: Sains enggau Teknologi



Penteba Kipas Angin XYZ

- teknologi kipas berubah nadai pila
- ngenyelapka bilik
- muai angin kamah
- enda inggar sereta likun
- jimat karan
- muntang dibai mindah



Bungai Jaku

Dingaka audio lalu sadaka pelandai di baruh tu.

Ngading Pemansang Teknologi

Teknologi... oh teknologi...
Ari sehari ke sehari,
Nuan mansang majak lati,
Nyangga pengidup dunya nyadi,
Ngangkatka bansa pegari tebilang.

Teknologi... oh teknologi...
Ari bulan ke bulan,
Nuan mansang majak meruan,
Ngemansangka dagang tampak memelan,
Nyungkak ekonomi ngerembai mansang.

Teknologi... oh teknologi...
Ari taun ke taun,
Nuan mansang majak likun,
Ngelempungka pengawa bumai bekebun,
Nyeridika pengidup lati senang lantang.




Malin Pengajar

- Ngiring nemiak nyadaka pelandai nitihka audio.
 - Minta nemiak belematika tusun leka jaku nitihka batang enteli dalam pelandai.
- PBTT: Aplikesyen UP: Nguna teknologi enggau manah
ENK: Sains enggau Teknologi



Audio 33



BA: 72

4.3.2



Jalai Jaku

Jaku Pengawa Eksyen

Minah enggau indai iya ba dapur. Seduai deka ngaga kuih kek ngena oven.


Kek Meredika

Kereban:

- 4 igi telu gred A
- 150 gram gula
- 200 gram mentiga
- 300 gram tepung gandum
- 2 sudu makai tusu likat manis
- 1 sudu teh tepung pengembai

Chara Ngaga:

1. Tunyau mentiga enggau gula nyentukka kembai.
2. Kayak tepung gandum ke dalam bisin.
3. Tepuka telu enggau tepung gandum mimit-mimit. Tunyau dataika bechampur manah.
4. Tuang tusu likat manis enggau tepung pengembai.
5. Angatka oven ba tikas 170 darjah Celcius.
6. Unsut talam ngena mentiga
7. Tuang tepung ti udah ditunyau ke dalam talam.
8. Simpan talam dalam oven lalu tunu dataika mansau.



BA: 73

5.1.5 (iii)

Malin Pengajar

- Ngiring nemiak macha lalu ngelala jaku pengawa eksyen.
- PBTT: Aplikesyen UP: Likun ngereja pengawa
- ENK: Sains enggau Teknologi



Jalai Jaku

Jaku Pengawa Eksyen

Aya Guyang deka meli injin penebas rumput ba kedai di Pasar Ulu Lemba. Tauke Achai nerangka iya pengelembih injin penebas rumput nya.

Aya Guyang: Tauke, bisi nyual injin penebas rumput?

Tauke Achai: Bisi. Kitu, milih kedeka nuan empu.

Aya Guyang: Manah tu peda aku, tauke. Tu mih pilih aku.

Tauke Achai: Tu bansa ke teguh. Rega patut. Jompat sereta muntang nuan gawa ngena tu. Minyak enda rua.

Aya Guyang: Lantang mih pengawa aku nebas rumput udah bisi injin penebas tu nih!

Tauke Achai: Amat penemu nuan nya.

Aya Guyang: Au. Terima kasih, tauke.



UNIT 11

KENANG PEMANSANG MENUA



Aram Mending enggau Bejaku

Dingaka audio lalu bacha dindang di baruh tu ngena entak sebut ke betul.

Dindang Pemansang

Anak rusa belanda-landa,
Entudi indai ngiga pemakai,
Tambang mudah nyamai dikena,
Pejalai jauh enda berasai.



Ari Mukah nuju Belawai,
Ngena feri ngelayang sungai,
Sekeda bebayar bisi ga nadai,
Ngetu belepa ba penyangkai.

Tugal pisit benih jagung,
Tanah lati tumbuh menyana,
Gerabak diirit panjai betampung,
Kerita api menua Malaysia.
(Ulang 2x)



BA: 75


1.3.1 (iii) (iv)

Malin Pengajar

- Ngiring nemiak macha dindang kena ngulihka penerang.
 - Minta nemiak macha dindang nitihka entak sebut enggau betul.
- PBTT: Aplikesyen UP: Beterima kasih
ENK: Sains enggau Teknologi

Audio 34

85
KPM



Aram Mending enggau Bejaku

Dingaka audio lalu keluluka randau Injan enggau indai iya.

Injan seduai indai iya benung berandau senentang guna *tablet* ba bilik besai.

Indai, mayuh endar orang ngena *tablet* baka enggi nuan dipeda aku. Nama pengelebeh *tablet* nya nih?

Au. Nyamai amat baka nya nih, indai.

Iya mih endu. Perengka tu ga rumpas dikena orang ngiga penerang ngena internet. Kelimpah ke dikena betelefon, iya mega mudah dikena ngelakuka dagang sechara *online*.





Aram Macha

Dingaka audio lalu sadaka pelandai di baruh tu.

Tablet

Tablet,
Nuan rumpas dibai mindah,
Ke umai ke kebun mega ke tanah,
Dikena bekangau sereta bepadah,
Beambika gambar naka pemudah,
Senang disimpan mudah dipindah.

Tablet,
Neresa internet ngiga penerang,
Enda ngira malam tauka siang,
Dini dunya temu magang,
Ulih nyadi palan bedagang,
Ngerembaika berita dunya pemansang.

BA: 76

2.3.4

Malin Pengajar

- Ngiring nemiak macha lalu beratika reti isi teks.
- Minta nemiak bejuraika isi teks.

PBTT: Nyerenih

ENK: Sains enggau Teknologi

UP: Beterima kasih

87
KPM



Audio 36



Aram Nulis

Bacha teks di baruh tu.

Udah tembu kus pasal e-dagang lemai nya, indai Injan lalu nanya laki enggau anak iya nengah *Video Conferencing*. Sida berandauka chara dikena ngerembaika dagang ensabi sida.

Hello, apai Injan. Endu, aku minta penemu ari seduai. Baka ni chara kitai deka ngerembaika dagang ensabi kitai nya?

Au, manah amat penemu seduai nya. Terima kasih.



- Ngiring nemiak betanya saut tentang teknologi pemadah enggau komunikesyen.
- Minta nemiak ngenataika buah runding sida senentang pekara nya.



Ba runding aku, manah kitai ngemesaika agi kebun ensabi kitai. Tanam dalam kibung ngambika kurang agi indu utai ngachau.

Ngena penemu nuan nya apai. Kitai mesti ngelakuka iya nengah mayuh chara baka ngaga iklan dalam internet.

Tuliska saut kita senentang teknologi pemadah enggau komunikesyen kemaya hari tu ba kad manila lalu bantaika ba mua kelas.

1. Nama kereban teknologi pemadah enggau komunikesyen ti dikena sida berandau?
2. Sapa ke berandau ngena teknologi pemadah enggau komunikesyen tadi?
3. Ba penemu nuan, lapa orang kemaya hari tu majak begunaka teknologi pemadah enggau komunikesyen?



Bungai Jaku

Dingaka audio lalu sadaka pelandai di baruh tu.

Dunya Teknologi

Dunya teknologi,
Terengkah di tanah serata bumi,
Sampal menua pesisir enggau mengeri,
Ngembuan komputer, telefon ke pegari,
Dikena chukup jaga siru enggau mereti,
Terima kasih ke apai indai bekeradai udah meli,
Mulut tuchum tanda gaga rindu ati,
Meruan kereban dikena sekula ngulihka degree.

Dunya kuasa teknologi,
Sangkai di balai rumah lati,
Nyimpan kereban periuk karan dikena berapi,
Mesin basu udu mantu jampat betuchi,
Dikena cheremat betul sukat chukup inchi,
Diibun chukup likun beati-ati,
Ngasuh senang idup lantang behari-hari,
Meri basa jaku puji sampal ati,
Terima kasih teknologi.





Jalai Jaku

Jaku Penempat

Bacha teks di baruh dikena ngulihka penerang.



Bilik Tinduk Injan

Tu bilik tinduk Injan. Bilik tinduk tu manah dipeda. Tiap hari iya ngutun bilik tinduk. Dalam bilik iya bisi komputer ti diengkah ba atas mija. Jenila ba tengah antara gambar enggau jam dinding. Lampu tinduk ba tisi katil sepiak ari kanan lalu selipar iya ba baruh katil muak ari kiba.

BA: 80

5.1.6 (i)



Malin Pengajar

- Ngiring nemiak macha teks lalu ngelala jaku penempat.
 - Minta nemiak meri chunto jaku penempat nunjukka endur bukai ti ditemu sida.
- PBTT: Aplikesyen
ENK: Jaku
UP: Beterima kasih





Jalai Jaku

Jaku Penempat

Peratika lalu gaga ayat bepelasarka gambar di baruh tu.

Giga Alai Aku



Malin Pengajar


- Minta nemiak beratika gambar.
- Minta nemiak ngaga ayat ngena jaku penempat bepelasarka gambar ngena chara beraban.

PBTT: Nengkebang
ENK: Jaku

UP: Bekerejasama

BA: 80

5.1.6 (i)



Aram Mending enggau Bejaku

Dingaka audio lalu peratika leka jaku ke bechura.

Tuai Rumah Untam berandau enggau anak menyadi iya Atan ti ba Kuala Lumpur nengah *video call*.

Nama **berita** nuan, wat Atan?

Meri puji ngagai nuan, wat! Aku ninga nuan udah ngambi degree. Seraya ke **nganti** gawa, manah nuan enggau aku **bedagang**.

Badas mih nya, wat. Enti munyi nya, ila tua **nampung** randau lenak agi. Terima kasih, wat.

Manah, apai biak.

Au. Manah nya. Aku sigi rinduka **pengawa** bedagang. Ngena mih nya.

Sama-sama.



BA: 83

1.4.1 (i)

Malin Pengajar

- Ngiring nemiak ngeluluka randau lalu meratika leka jaku ti ngundan konsonan, konsonan turu, vokal tebuka enggau vokal besekat glotis lalu nyebut enggau betul ngena intonesyen ke engkeman.

PBT: Ngeanalisis

UP: Berani

ENK: Peneguh Global






Aram Macha

Portal Ulu Lemba

Freddy benung nelusur *website* Portal Ulu Lemba laban deka nemu palan ti tau ditapatka alai memarin.




Malin Pengajar

- Ngiring nemiak macha teks ngena intonesyen tauka entak sebut ti engkeman.
- Minta nemiak berandau sechara bepasang senentang palan ngelantangka ati ti dikerinduka sida.

PBT: Ngeanalysis

UP: Angkunka pemanah rampa menua

ENK: Teknologi Pemadah enggau Komunikesyen





Aram Nulis

Dingaka audio lalu bacha teks sereta peratika peneleba diri.

Temuai ari Menua Tasik

Mua hari pagi nya manah amat. Ribut bepuput lundai. Ajung mai bala temuai mudik ke ulu napatka Wung Lemba. Perau sida ngerenchah tengah sungai nyelepak batu besai.

Apu, mayuh amat raban mayas nyin!

Manah mih enti pia. Menua kami nadai jelu ke bansa nya.

Ukai mayas nya, rasung.

Iya. Rasung mih nya unggal. Ditu sigi mayuh bansa jelu.



BA: 85

3.5.1 (i) (ii)

Malin Pengajar

- Ngiring nemiak nulis refleksyen bepelasarka teks.
- Minta nemiak nulis karang belalauka senentang peneleba enggau pengingat diri empu dalam bup latih.

PBTT: Nengkebang

ENK: Pemanah Rampa Menua

UP: Sayauka rampa menua



Audio 39



Aram Nulis

Bacha lalu kerandauka kaul teks enggau peneleba diri.

Tepantup Ati Nemuai

Kami sangkai ba Wung Lemba. Bala temuai tebelenga meda pemanah rampa palan nya. Sida chapuh mandi beunsaika pangan diri. Kepuas sida bayam rampa menua nya sida pan pulai.

“Terima kasih, Ajung. Chukup manah menua kita. Terima kasih mega ke pemanah basa kita,” ku siku ari temuai.

“Sama-sama, unggal. Anang jera nemuai,” ku Ajung.

“Tu mih asil kitai nyaga rampa menua. Ulih nyungkek dagang temuai,” pia ku Ajung madah ke apai Anau.



- Ngiring nemiak beratika teks ti dibacha.
- Minta nemiak ngaga refleksyen bepelasarka teks.
- Minta nemiak nulis karang belalau senentang peneleba enggau pangingat diri empu dalam bup latih.



Bungai Jaku

Dingaka audio lalu peratika jaku kangau basa di baruh tu.

Hari Dagang SK Ulu Lemba

HARI DAGANG SK ULU LEMBA



Apai, aku deka
makai penganan
nya. Beli au.

Au, anak.

BA: 87

4.4.1 (i)

Malin Pengajar

- Ngiring nemiak berandau ngena kangau basa ngagai diri sebilik enggau kaban belayan.
- PBTT: Aplikasiyen
ENK: Pengelandik Dagang

UP: Bebasaka semua orang



Audio 40



Bungai Jaku

Bacha lalu peratika jaku cheremat sereta siru dalam kad di baruh tu.

Budi Basa Dikeingat

Avit meli sekepin kad hari pengada ke indai iya maya Hari Dagang SK Ulu Lemba sehari tu.

Sehari tu hari pengada indai.

28 Ogos 1975

Nuan udah nyaga ngemata aku. Nuan udah nupi ngemesaika aku. Besampika nuan gerai sereta panjai umur. Terima kasih indai. Selamat Hari Pengada ke nuan.

Ari aku anak nuan,
Avit



- Ngiring nemiak meratika jaku cheremat, siru sereta bebasa dalam teks.
- Minta nemiak bejaku enggau cheremat sereta siru enggau enggau pangan diri lebu berandau.





Jalai Jaku

Jaku Penempat

Perati lalu kelala jaku penempat dalam notis di baruh tu.



Notis Penerang

Program: Hari Dagang
SK Ulu Lemba
Haribulan: 28 Ogos 2019
Hari: Enam
Jam: 8:00 pagi
Tempat: Ba mua blok Opis Rama
SK Ulu Lemba
Tikit masuk: Tisi pintu
penama sekula
Tikit benasit: Bansal muak
kanan Dewan Sri Engkabang
Tikit lagu sponsor: Atas panggau
Kepala Pengajar
Pengajar Entalang

BA: 89

5.1.6 (ii)




Malin Pengajar

- Ngiring nemiak merati, ngelala lalu ngena mayuh bengkah jaku penempat ke nunjukka tempat tauka adap.
 - Minta nemiak ngaga ayat ngena jaku penempat enggau betul sereta engkeman.
- PBT: Aplikesyen
ENK: Peneguh Global
UP: Rajin gawa





Jalai Jaku



Pinsil Ajih

Pinsil Ajih Aku

Chara nyual pinsil
ajih aku

Ari
Facebook

Nengah
Twitter

Instagram

Dalam
YouTube

Rega
RM1.00
sebatang




Perayat
Malaysia
32 juta

Muak ke **kiba** nya rega pinsil. Muak ke **kanan** nya penyampau perayat Malaysia. Enti semua sida meli pinsil ajih aku sebatang siku, berapa penyampau duit ulih aku?



Malin Pengajar

- Ngiring nemiak merati, ngelala lalu ngena mayuh bengkah jaku penempat ke nunjukka tempat enggau adap.
 - Minta nemiak ngelis lalu ngaga ayat ngena jaku penempat ke bukai.
- PBT: Aplikesyen UP: Landik bedagang
ENK: Pengelandik Dagang



UNIT 13

PROJEK KELAS KAMI



Aram Mending enggau Bejaku

Peratika notis di baruh tu.



Notis Program Bejual Asil Pengelandik Jari

Haribulan: 09 November 2019
Hari: Hari Enam
Jam: 8:00 pagi – 5:00 lemai
Endur: Padang Sekula SK Ulu Lemba

Mayuh macham barang bisi dijual.
Penerang ti silik tau ditanya ngagai
Pengajar Anding maya hari besekula aja.

Aram sampal datai!

Tuai Kelas
Injan

1. Nama program ti dibantaika dalam notis tu?
2. Kemaya program tu deka diatur?
3. Nama tuju notis tu dibantaika?
4. Nama kebuah program tu diatur ba hari Enam?

BA: 91

1.5.1 (i)

Malin Pengajar


- Ngiring nemiak beratika notis enggau lenak.
- Betanya saut senentang isi notis.

PBTT: Ngeanalisis

UP: Bekerejasama

ENK: Pengelandik Dagang





Aram Mending enggau Bejaku

Dingaka audio lalu keluluka randau di baruh tu.

Andy Kong enggau sida sekelas benung berandau senentang projek kelas sida ti deka digaga nyerumba Hari Lumba enggau Main sekula sida.



Andy Kong: Tu perambu lis rega barang kitai. Engkeman kini?

Minah: Ba penemu aku, patut rega nya.

Anau: Setuju. Manah mih nya.

Kavita: Nya mih, kitai ga ngasai. Beli barang nitihka guna lalu ukai nitihka peneka ati.

Minah: Amat ku nuan nya, Kavita.

Nama kebuah kitai mesti meli barang nitihka guna lalu ukai nitihka peneka ati?




Malin Pengajar

- Minta nemiak macha sereta beratika teks enggau lenak.
 - Ngiring nemiak bejuraika penemu di atas dalam raban mit.
- PBTT: Aplikesyen UP: Bekelimat
ENK: Penemu Nguna Duit Ringgit



Audio 4 I



1.5.1 (ii)

BA: 92



Aram Macha

Dingaka audio lalu sadaka ganu di baruh tu.

Ganu Dagang Anak Mit

Eee... nuan indai ambu,
Naka mih pemalu,
Kami primari tiga maju,
Tang laban ke keran udu,
Ngiga pemandai,
Andi nuan indai menyawai.

Eee... nuan apai tinda,
Naka mih pengaga,
Meda kita datai bebala,
Ari pupu raban bansa,
Bebelika tepa bai pulai,
Andi nuan apai menyawai.

Eee... nuan indai wai,
Meri terima kasih besai,
Ngagai kita ke udah datai,
Milih utai dibai pulai,
Ngagai rumah besai,
Andi nuan indai menyawai.



BA: 93

2.4.2

Malin Pengajar

- Ngiring nemiak macha leka main begintir niitika entak sebut ti betul.
 - Minta nemiak nyadaka ganu dalam raban.
- PBTT: Aplikesyen
ENK: Patriotisma

UP: Beterima kasih

103
KPM



Audio 42



Aram Macha

Dingaka audio lalu sadaka lagu di baruh tu.

Terima Kasih

Naka mih pengerindu,
Baka ke sehari tu,
Gawa enggau ati siru,
Begulai bebantu.

Datai kitu bebala,
Barang jual mayuh bansa,
Baka tikai enggau sana,
Mayuh ke bukai mega.

Naka pengaga ati,
Ngagai pengajar kami,
Udah meri penyikar lati,
Lempung tulang bebudi.

Terima kasih semua,
Ngagai kita sebala,
Ari kami Primari Tiga,
Arapka mujur belama.
(Ulang 2x)

(Tiun Lagu: *Teka Siapa Saya*)





Aram Nulis

Peratika gambar enggau rurun cherita di baruh lalu tulis siti karang naratif.

Pagi nya, tumu bala nemiak Primari 3 nyediaka kereban enggau barang ti deka dijual sida.



Udah datai maya bejualka barang, sida ke udah dipadu lalu belabuh bejalaika pengawa sida.

Udah tembu bejual lemai nya, sida lalu belabuh ngutun barang. Barang ke enda laku lalu disimpan.



Lemai nya mega, sida sekelas bela sampal datai ngitung untung bejual. Sida diuluka Pengajar Anding. Taja lelak, tang sida bela gaga.

BA: 94

3.5.1 (iii)



Malin Pengajar

- Minta nemiak beratika gambar enggau rurun cherita.
 - Betanya saut senentang gambar.
 - Ngiring nemiak nulis karang naratif ba bup latih.
- PBTT: Nengkebang UP: Betulung
ENK: Penemu Nguna Duit Ringgit



Aram Nulis

Peratika chara ngaga penanda bup di baruh lalu gaga siti karang pandak.

Chara Ngaga Penanda Bup

Perengka ke diguna:

Lambar keretas bechura 1.5 sentimeter ke udah disediakan pengajar, gam, riben, guntin enggau penebuk lubang.



Gam ujung lambar ti sama chura. Uдах nya, lalu berengkah nganyam.



Anyam dataika lambar keretas nyau pandak. Uдах nya, lipat lalu gam.



Penanda bup ti udah tembu, sedia dikena.



Tebuk lubang lalu tanchangka riben, ngambika manah dipeda.



Bungai Jaku

Dingaka audio lalu keluluka randau di baruh tu.

Tengah hari nya, Kavita datai ngusung Injan laban deka belajar ngaga tajau keretas. Iya laun mimit datai laban bisi penanggul ba rantu jalai.



Kavita: Selamat tengah hari, wai.

Injan: Selamat tengah hari. Lalu, wai lalu. Duduk kitu.

Kavita: Terima kasih, wai. Minta ampun laban ke laun mimit datai. Bisi penanggul tadi.

Injan: Au, enda ngawa, wai. Nama berita nuan dih?

Kavita: Puji Tuhan. Gerai nyamai. Nuan dih?

Injan: Aku pan gerai mega. Enti nadai penanggul, manah tua tumu belabuh.

Kavita: Nadai ga salah. Nama kereban ke diguna dih?

Injan: Surat khabar lama enggau dawai. Semua perengka nya udah sedia magang, wai. Tua semina ngaga iya aja. Berengkah mih tua.

Kavita: Au. Aram mih.

BA: 95

4.4.1 (ii), 4.4.2 (i)



Malin Pengajar

- Ngiring nemiak macha enggau lenak sereta ngelala jaku siru.
 - Minta nemiak meri chunto jaku siru tauka cheremat ti dikena besehari-sehari.
- PBTT: Aplikesyen
ENK: Ukur Pemanah
- UP: Siru sereta cheremat



Audio 44





Bungai Jaku

Bacha randau di baruh tu.

Seminggu udah belajar ngaga tajau keretas, Kavita datai baru ngusung Injan.

Injan. Bisi utai deka diberi aku ke nuan. Tu iya.



Terima kasih. Kiruh amat nuan. Nama utai tu dih?

Buka mih.



Terima kasih laban udah ngajar aku ngaga tajau keretas sehari nya. Budi nuan tetap dikeingot.

Kaban nuan,
Kavita

Meri tabi puji ngagai nuan laban jampat belajarka chara ngaga tajau keretas sehari nya.



Terima kasih. Aku pan gaga ati laban udah nemu chara ngaga tajau keretas.

- Ngiring nemiak macha sereta ngelala jaku pengaga ati enggaur terima kasih.
- Minta nemiak ngeluluka randau di atas.



Jalai Jaku

Jaku Perintah

Bacha lalu peratika jaku perintah ti nunjukka tagang di baruh tu.

1



Anang muai uras sebarang endur.

2



Enda dikemendar engkah kerita ditu.

3



Anang rua enggau belanja.

4



Anang inggar dalam librari.

BA: 96

5.1.7 (i)

Malin Pengajar

- Ngiring nemiak beratika jaku perintah ti nunjukka tagang.
 - Minta nemiak meri chunto jaku tagang ti bukai.
- PBTT: Aplikesyen
ENK: Ukur Pemanah
UP: Bebas



Jalai Jaku

Jaku Perintah

Bacha lalu peratika gambar di baruh tu.

Tanda Tagang

Gambar di baruh mandangka sekeda ari tanda ti nagang kitai ngereja pengawa.



Enda Tau Nginti



Enda Tau Nyemerai



Enda Tau Ngindik Rumput



Enda Tau Ngambi Gambar



Enda Tau Mai Uduk



Enda Tau Mai Buah Rian



Nama penyadi enti kitai enda ngasika tanda tagang?





Malin Pengajar

- Ngiring nemiak beratika jaku perintah ti nunjukka tagang.
- Minta nemiak ngaga ayat mudah bepelasarka jaku perintah ti nunjukka tagang dalam bup latih.

PBT: Ngeanalisis
ENK: Peneguh Global

UP: Ngasika ajar





Aram Mending enggau Bejaku

Keluluka randau di baruh tu.

Makai ba Kantin

Guyang enggau bala bakih iya bebela ba kantin sekula.

Guyang: Aram kitai sama makai. Asi girau bekal aku sehari tu.

Minah: Au. Aram mih, Guyang.

Anau: Nama pemakai dibai nuan, Kavita?

Kavita: Tose. Tau sepi nuan, Anau.

Anau: Au. Bekal aku tau mih sepi, akih. Amba dia mih.

Avit: Ulih ensepi asi lemak nuan, Minah?


Minah: Au. Sepi mih, Avit. Empa enggau sambal pusu tu.

Avit: Nyamai sambal pusu tu. Sapa ngaga?

Minah: Indai aku.

Injan: Penyaram bai aku. Sapa deka makai tau ngambi ba kontena pelastik tu.

Guyang: Nyamai penyaram tu, Injan. Masuk endar nyawa. Enda berasai ngabiska bekal makai serumpu baka tu.



BA: 99

1.6.1


Malin Pengajar

- Ngiring nemiak ngeluluka randau lalu ngena jaku bebas enggau engkeman.
- Minta nemiak ngeluluka randau ke ngundan leka jaku ti bebas.
- Ngiring nemiak meretika jaku bebas.

PBT: Aplikesyen

UP: Siruka pangan

ENK: Kreativiti enggau Inovesyen



Aram Mending enggau Bejaku

Bacha lalu keluluka randau di baruh tu.

Ngalu ke Pasar Malam

Kavita seduai indai iya ngalu ke pasar malam. Mayuh bansa barang enggau pemakai bisi dijual.

Kavita: Mayuh amat bansa pemakai dijual orang ditu nih!

Indai: Pilih ke deka nuan mih, anak.

Kavita: Au, indai. Aku deka meli kuih bulan, lemang enggau penganan iri.

Indai: Dini nuan kala makai kuih bulan nya, anak?

Kavita: Maya aku ngabang ngagai sida Andy Kong.

Indai: Au. Puak ni ke deka nuan? Tau nyangkung bala bakih nuan.

Kavita: Puak telu masin enggau kacang mirah.

Indai: Chukup lima igi nya dih?

Kavita: Chukup. Bisi kuih bukai ga udah dipilih tu.

Indai: Mupuk tua enti udah, anak.

Kavita: Au, indai.



Malin Pengajar

- Ngiring nemiak ngeluluka randau.
- Minta nemiak beratika saut tanya ngena jaku ti belebas sereta engkeman dalam randau.

PBT: Aplikesyen

ENK: Kreativiti enggau Inovesyen

UP: Bebasaka orang tuai







Aram Macha

Sadaka pelandai di baruh tu.

Aram Nyaga Pengerai

Aram semua kaban,
Jaga mih pengerai,
Sayur enggau buah,
Asai chukup nyamai,
Dagin enggau ikan,
Empa sama banyak,
Tubuh kitai regas,
Ulih berunding jompat.

Aram semua kaban,
Sama kitai berati,
Enti makai lemak,
Enda ditagang banyak,
Tau ngasuh senak,
Tungkul ati rusak,
Diau kitai lisak,
Berubat nadai tatak.



BA: 101

2.4.4



Malin Pengajar

- Ngiring nemiak nyadaka leka main.
 - Minta respon nemiak senentang ajar manah dalam leka main.
- PBTT: Alikesyen
ENK: Ukur Pemanah
UP: Nyaga pengerai



Aram Macha

Bacha teks di baruh tu.

Pemakai Tradisional ari Sagu




Sagu diasilka ari mulung. Kelia tepung sagu ti dikumbai lemanta nyadi pemakai asal bansa Melanau di Sarawak. Tepung lemanta ulih diproses nyadi linut. Tepung lemanta digulai ngena ai angkat lalu ditunyau nyentukka likat baka gam. Iya nyamai diempa ngena lauk bukai dikena nganti asi.

Tepung lemanta mega ulih diproses nyadi igi sagu. Igi sagu nyamai diempa enggau umai tauka ikan tunu. Diatu, sagu nyadi pemakai komersial. Sagu ukai semina tebilang ba perayat Sarawak tang mega ba Malaysia.



Malin Pengajar

- Minta nemiak madahka bagi pemakai ke ulih digaga ari mulung dalam raban.
- PBTT: Aplikesyen
ENK: Patriotisma
UP: Beterima kasih





Aram Nulis

Bacha emel di baruh tu.

Indai Minah malas emel indai Kavita ke deka belajar ngaga panganan jala.

New Message

Ari: indaiminah@rmhnpjai.com Cc Bcc


Nuju: indaikavita@lemba.com

Pekara: Chara Ngaga Panganan Jala

Nama berita nuan, indai Kavita? Ngena emel tu aku meri nuan chara ngaga panganan jala baka ti dipinta nuan hari nya.

1. Sediaka perengka baka tepung, ai enggau gula apung.
2. Champurka tepung beras, gula apung enggau ai lalu lunyu.
3. Angatka minyak ba kali.
4. Tuang tepung ti udah dilunyu ngagai tachu ti udah ditebuk.
5. Nitihka penyampau tepung ti numbas iya tatuk tachu panganan enggau cheremat.
6. Umbas iya maya, tunduh panganan lipat nitihka ti dikedeka diri empu.
7. Uдах panganan mansau, tuska lalu angkat panganan.

Ari aku,
Indai Minah



Sans Serif | Bold | Italic | Underline | Text Color | Paragraph | Bulleted List | Numbered List | Indent | Outdent | Quote | Unlink

Send | Attach | Insert | Link | Emoji

BA: 102

3.5.3 (i)

Malin Pengajar

- Ngiring nemiak beratika struktur ayat ti dichura.
- Ngiring nemiak ngemetulka struktur ayat.

PBTT: Alikesyen

ENK: Kreativiti enggau Inovesyen

UP: Angkunka pemakai asal bansa





Aram Nulis

Kemetulka tanda bacha enggau sepil ba genteran ti bechura biru di baruh tu.

Ba pengerami makai lemari ujung taun sida Guyang sekelas mai pemakai kediri empu.

Semua pemakai dinahka ba mija. Pemakai ti dibai baka pansuh ikan, kuih lapis, kuih bakul, karipap, ai oren enggau buah limau.

guyang enggau bala bakeh iya belagu engau betanda sida chukop gaga ate laban ulih begompuru makai sebedau sida besirara ujung taun



Malin Pengajar

- Ngiring nemiak ngelala penyilap sepil enggau tanda bacha dalam teks.
 - Ngiring nemiak ngemetulka sepil enggau tanda bacha ti salah.
 - Minta nemiak nulis leka jaku ti udah disepil betul dalam bup tulis.
- PBTT: Aplikesyen
ENK: Jaku
- UP: Bebasaka semua orang

BA: 102


3.5.3 (ii)



Bungai Jaku

Bacha randau di baruh ngena intonesyen ti betul.

Minah berandau enggau apai seduai indai iya pasal pengawa makai selamat sida Guyang ti digulu iya sehari nya.



Indai Minah: Mayuh orang datai maya pengerami makai selamat sida Guyang sehari nya, Minah?

Minah: Mayuh, indai.

Indai Minah: Nama bansa pemakai bisi dinahka sida, dih anak?

Minah: Mayuh macham bansa pemakai dinah sida baka dagin, kuih, buah enggau engkayu babas. Kami mega disambut sida enggau naka pementas.

Apai Minah: Sayau aku enda ulih limpang. Taja pia aku besampika sida sebilik semampai mujur belama.

Minah: Ya mih. Aku besampika sida mega, apai. Tak nyempelah aku, dini kitai nyambut hari pengada aku ila dih, apai?

Apai Minah: Pemai nuan, anak. Nuan milih kulau ke kitai.

Minah: Terima kasih, apai. Ransing ati aku nganti penatai hari nya laban aku deka ngangauka bala bakih aku.

BA: 103

4.4.2 (ii)



Malin Pengajar

- Ngiring nemiak ngelala jaku pengaga ati enggau terima kasih.
 - Ngiring nemiak ngelala ajar manah ari kereban ti udah dibacha.
- PBTT: Aplikesyen
ENK: Ukur Pemanah
UP: Siruka diri sebilik





Jalai Jaku

Jaku Pemendar

Keluluka randau di baruh tu.

Avit enggau Anau benung berandau dalam kelas sebedau luching bemunyi.

Anau: Sebedau nurun ke sekula, kitai mesti ngirup pagi.


Avit: **Setuju** aku, ngambika tubuh kitai gerai sereta regas.

Anau: Ya mih. Kitai mega ulih berunding enggau jampat lebu may pengajar ngajar.

Avit: **Betul amat**, akih. Nama bekal nuan sehari tu dih? Lagi kitai serumpu makai.

Anau: Aku mai asi girau enggau ai oren. Kenyang nyentuk ke tengah hari enti udah makai asi.


Avit: **Au**. Amat jaku nuan, Anau. Ngetu tua berandau, luching udah bemunyi.



Malin Pengajar

- Ngiring nemiak macha randau enggau intonesyen ti engkeman.
 - Ngiring nemiak ngelala jaku pemendar dalam teks.
- PBT: Aplikesyen
ENK: Ukur Pemanah

UP: Bebasaka pangan diri



UNIT 15

NGINDANG NUJU SEBERAI



Aram Mending enggau Bejaku

Sepengudah ti menang ba tikas sekula enggau nengeri, Sekolah Kebangsaan Ulu Lemba dipilih ngarika Malaysia ke menua Jipun. Sida deka mantaika main asal.



Semua komiti Gerempung Apai Indai enggau Pengajar (PIBG) sepenemu nyukung sekula mantaika main asal ngarika Malaysia ke Jipun.



Pengajar Anding enggau Pengajar Jara matih nemiak betabuh enggau ngajat.



Sida nantaika perais.



Bala nemiak mantaika tabuh enggau ajat asal ba atas panggau.



Pengari SK Ulu Lemba sangkai ba Padang Bilun Antarabansa Narita, Tokyo.


BA: 107

1.5.1 (iii)

Malin Pengajar


- Ngiring nemiak naps sereta nusun penerang nitihka rurun.
- PBTT: Ngeanalysis
ENK: Patriotisma
UP: Bekerejasama





Aram Mending enggau Bejaku

Bacha randau *WhatsApp* ba baruh tu.




Malin Pengajar

- Ngiring nemiak beratika randau *WhatsApp* sereta beintereksyen ngena jaku ti engkeman.

PBTT: Ngeanalysis

UP: Gerah jari

ENK: Teknologi Pemadah enggau Komunikesyen





Aram Macha

Dingaka audio lalu peratika ajar manah dalam teks di baruh tu.

Latih Ngasuh Lati

Lemai nya hari kepenudi sida belatih. Bala nemiak chukup ransing. Sida belatih enggau bebendar.

“Enda berasai tak udah sebulan kitai belatih,” ku Anau.

“Nya mih. Kita udah teleba mantaika main asal ngelama tu,” pia ku saut Pengajar Jara.

“Gagit amat asai ati tu deka mantaika pengelandik ti udah diajar nuan, pengajar,” ku Avit.

“Amat enda lebu mih kitai meras belatih ngelama tu. Belatih ngasuh kitai lati sereta entap,” ku Pengajar Jara.



BA: 109

2.4.3

Malin Pengajar

- Ngiring nemiak macha lalu beratika ajar manah ti bisi dalam teks.
 - Minta nemiak meri respons ke engkaman ngagai ajar manah dalam teks.
- PBTT: Ngeanalysis UP: Pengeliat ati
ENK: Peneguh Global



Audio 45



Aram Macha

Bacha jaku peransang ba baruh tu.

Ngering Semangat

Pengajar Anding meri kad jaku peransang ngagai tujuh iku nemiak ke nyadi pengari menua Malaysia.



Agi idup agi ngelaban.
Enda surut ngapa sebedau
datai ba adan.

Genggam bara api datai ke
nyadi arang.
Kereja semua pengawa
anang mekang-mekang.



Begempung teguh
bepechah runtuh.
Pengawa lempung
betubuh mayuh.



- Ngering nemiak macha kad jaku peransang lalu beratika ajar manah ti bisi dalam teks.
- Minta nemiak berandau dalam raban lalu meri respons ke engkeman ngagai ajar manah dalam teks.



Aram Nulis

Peratika tanda bacha dalam teks di baruh tu.

Ngirai Diri Bekejang

Tu monolog Anau sebedau nurun ke Jipun.

Pagila kami deka bekejang. Aku meda mua apai enggau indai tampak memelan.

Aku ningkap ba sofa. Apai meda indai ke ngutun gari. Aku agi ingatka jaku Kepala Pengajar Entalang maya ke begelumu pagi.

“Kita dikearapka aku. Kitai ulih! SK Ulu Lemba ulih!” nya sekeda jaku peransang kepala pengajar.

“Aku besemaya enda ngasaka SK Ulu Lemba,” ku aku bejaku dalam ati.

Sebedau tinduk, aku besampi minta berekat ari Petara.



BA: 110

3.5.2 (i) (ii)



Malin Pengajar

- Ngiring nemiak ngelala sereta ngena tanda bacha ke betul dalam teks.
- Minta nemiak ngaga karang ti ngemeranka tanda bacha sereta ngena ba endur ke betul sereta engkeman.

PBTT: Aplikesyen

ENK: Peneguh Global

UP: Sayauka diri sebilik





Aram Nulis

Peratika tanda bacha dalam teks di baruh tu.

Mimpi Anau Mangku Bulan

Aku bejalai kediri ba sebuah kebun bungai. Bulan keleman tampak terang manchar bumi.

“Oh bulan, rindu amat meda gamal nuan!” ku aku bejaku kediri.

Aku nyau tegepang. Bulan nurun lalu terengkah ba pangku aku.

“Nama utai ti deka dipinta nuan, Anau?” ku Bulan.

“Aku minta kami sebuat mujur ba pekit mantaika main asal ba Jipun,” ku aku nyaut.

Bedau sempat Bulan nimbai, aku pan tedani.



- Ngiring nemiak ngelala sereta ngena tanda bacha ke betul dalam teks.
- Minta nemiak ngaga karang ngena tanda bacha ti betul.



Bungai Jaku

Dingaka audio lalu peratika tanya sereta saut ke beradap di baruh tu.

Pejalai Nuju Tuchung

Sebedau kami bekejang, Kepala Pengajar Entalang meri jaku tangkan.

Datai ba padang bilun Pengajar Jara terus *check in* tikit bilun kami semua ngena *kiosk*.

“Kemaya bilun kitai angkat pengajar?” ku Anau nanya pengajar.

“Pukul 9:00 pagi. Kira sejam da mih,” ku saut Pengajar Jara.

“Selamat pagi. Ngagai semua ti nepan bilun MZ 5010 diatu udah sedia deka terebai ke Tokyo. Terima kasih,” pia ku munyi jaku gerah pansut ari *speaker*.

“Pengajar, kati udah ulih nepan kitai kini?” ku Avit.

“Udah. Aram mih,” ku Pengajar Jara.

Bilun terebai ngerenchah langit mingkai. Enda berasai ai mata Anau naya nelusur kuyu. Iya sinu teingatka sida sebilik.



BA: 112

4.4.1 (iii)

Malin Pengajar

- Ngiring nemiak ngelabuhka tanya enggau beradap lalu meri sautti engkeman.
 - Minta nemiak belematika jaku ti cheremat sereta siru dalam teks.
- PBTT: Ngeanalysis UP: Penglihat ati
ENK: Peneguh Global

125
KPM

Audio 46



Bungai Jaku

Peratika ayat tanya dalam teks di baruh tu.

Manggai ba Tuchung



Kami datai ba hotel lalu disambut enggau penuh basa. Kami meda mayuh bala pengari ari menua bukai.

“Kada enda ngelaban kitai sida nya pagila, pengajar?” ku Anau nanya Pengajar Anding. “Au. Nya mih anang enda ngeringka semangat kita,” saut Pengajar Anding.

Hari siti, lebu datai ba gintir Malaysia, raban kami chukup temegah sereta ransing ati niki ke panggau. Kami disempulang semangat ke kering mandangka main asal Iban. Sepenembu mantaika main asal, mensia mayuh nyau bediri betempik jari rindu meda bantai sembah kami. Kami udah manggai ba tuchung.



Malin Pengajar

- Ngiring nemiak ngelabuhka tanya enggau beradap lalu meri saut tiengkeman.
 - Minta nemiak belematika jaku ti cheremat sereta siru dalam teks.
- PBT: Aplikesyen
ENK: Peneguh Global
UP: Ngemeranka main asal





Jaku Perintah

Dunya Ngelala Aku

Penerengkah kami di Padang Bilun Antarabangsa Kuching, kami diandak Pengarah Opis Pelajar Nengeri Sarawak.

Tabi puji ke semua kita. Aku temegah ati ke pemujur SK Ulu Lemba. Kati asai ati kita bala nemiak?

Alau, nuan Anau ngarika kitai bejaku.

Manah amat. Tu kedua kali kita udah mujur ngarika Malaysia. Nya alai, aku minta kita terus ransing awakka ulih menang baru dudi hari ila.

Chukup andal kami, tuan. Naka pengaga ati kami.



BA: 114

5.1.7 (ii)

Malin Pengajar

- Ngiring nembak ngelala jaku perintah nunjukka asuh ti bechura mirah.
- Ngiring nemiak ngena jaku perintah ke nunjukka asuh enggau betul sereta engkeman.
- Minta nemiak ngaga aktiviti 'hot seat' bekaul enggau peneleba diri.

PBT: Aplikesyen

UP: Beterima kasih

ENK: Peneguh Global



Jalai Jaku

Jaku Perintah

Dingaka audio lalu sada lagu di baruh tu.

Rami Gaga Ati

Aram mih, **aram mih**, sama enggau aku,
Tulung mih, tulung mih anang malu,
Jaga mih, **jaga mih pengelikon diri**,
Aram betanda rami gaga ati.

Minta kitai, **minta kitai mansang maju**,
Ngari Malaysia, datai tikas antarabansa,
Diatu, dunya udah ngelala,
SK Ulu Lemba nyulut belama.

La la la, la la la gaga ati,
La la la, la la la aram rami,
La la la, la la la terima kasih semua,
Aram mih kitai rami gaga ati.
(Ulang 2x)

(Tiun lagu: *La La Hey*)



Malin Pengajar

- Ngiring nemiak belagu lalu ngelala jaku perintah nunjukka asuh ti bechura mirah dalam teks.
 - Ngiring nemiak ngena jaku perintah ke nunjukka asuh ti betul.
- PBTT: Aplikesyen
ENK: Kreativiti enggau Inovesyen

UP: Sayauka pesaka bansa



Audio 47

5.1.7 (ii)

BA: 114

GLOSARI

Unit 1

itah
ngandak
mantun
terit

semina ka chukup; umbas
ngansak tauka mansang deka meda
mabut tauka nyabut enggau urat-urat
mayuh barang dijual

Unit 2

perayat
estet
beutun

orang ti nguan siti-siti genturung pendiau
bedandang besai
bekemas

Unit 3

langkau bacha
bebela
pukas

langkau mit ti udah ditetapka alai macha
berenah makai
nada ai agi

Unit 4

nandang
ngesah

nemuai enda lama; nemuai pulai hari
mantu; nulung; nyaup

Unit 5

tegepang

tekenyit amat ati

Unit 6

empurit

nitih kia-kia

Unit 7

enchepai
empatan

ulih ngelaban lebu h bemain
empang ke bisi penyambut dikena
nyambut ikan ti engkechit lari ke ili lebu h
maya berikan
engkebut laban kena tegu

inggut



Unit 8

ngembuah
homestay

ngiga buah labuh; mulung
rumah tauka bilik ti disewa ngagai temuai

Unit 9

emperegam
engkabit
ngading

sebansa burung
mikap ari baruh
ngenang

Unit 10

muntang
ringga

enda tentu tusah digaga; mudah
mayuh pengawa; gagau

Unit 11

belepa

ngetu enda lama

Unit 12

lelundai

lubah

Unit 13

nyerumba

nyereta; sama sehari nya

Unit 14

dinahka
lisak

nyediaka orang pemakai
berasai angkat sereta bepuluh

Unit 15

monolog

bejaku kediri dalam ati

